


# 中唐詩集

劉禹錫



漢書門			
三	八	九	類
一	二	三	冊

內閣文庫			
三	八	九	漢書
一	二	三	冊

內閣文庫		
番號	漢	3809
冊數	12(5)	
函號	319	142



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





唐劉賓客詩集目錄

團扇歌

宜城歌

順陽歌

莫徭歌

度桂嶺歌

插田歌

葡萄歌

蠻子歌

馬嵬行

百花行

壯士行


苦雨行

華山歌

拋毬樂詞二首

華清詞

送春曲三首



淺草文庫



初夏曲三首

搗衣曲

畬田作

題鴉吟

觀雲篇

養鷲詞

別友人後得書

送華陰尉

送湘陽熊判官

送韋秀才

送李策秀才

送李友路秀才

送和州錢侍郎

送僧及南謁柳員外

送義舟師

翠微寺有感

觀舞柘枝二首

連州臘日

寄陝州姚中丞

奉酬湖州崔郎中

學阮公體三首

偶作二首

昏鏡詞

秋晚題湖城驛

賈客詞

調瑟詞

讀張曲江集作

詠古二首

磨鏡篇

登司馬錯古城

謁柱山會禪師

卧病聞常山旋師

善卷壇下作

武陵觀火詩

崔元受少府

途中早發



和董庶中古散調詞

望衡山

遊桃源

客有為余話登天壇

秋江早發

有僧言羅浮寺

裴祭酒尚書

和河西裴尹侍郎

冬夜晏河中李相公

重至衡陽

謫居悼往

更衣曲

桃源行

洞庭秋月

九華山

秦娘歌

龍陽縣歌

墻陰歌

踏潮歌

白鷺兒

武夫詞

平齊行二首

送裴處士應制舉

赴汝州辭李相公

送李庚先輩赴選

送僧仲剎東遊

觀棊歌

送慧則法師

三鄉驛樓

城西行

武昌老人說笛歌

西山蘭石試茶歌

平秦二首

聚蚊謠

百舌吟

飛鳶操



秋螢引

傷秦妹行

採菱行

春有情篇

七夕二首

邊風行

送工部蕭侍郎

送太常蕭博士

送張與赴舉

發華州留別

奉送家兄歸

送王師魯

送趙中丞

送盧處士

送洛中崔司業

送河南皇甫少尹

送從弟侍郎

送元上人

送惟良上人

送深法師

賭贈別約師

送鴻舉師

贈眼醫婆羅門僧

海門潮別

春日退朝

蜀先生廟

經東都安國觀

觀八陣圖

八月十五夜觀月

大和戊申歲

金陵懷古

晝居池上亭

分司東都

門下相公榮加冊命

病中一二禪客

秋江晚泊



步出武陵

秋日送客

湖州崔郎中

為郎分司寄

登陝州城

途中早發

陝州河亭

城中閑遊

罷郡歸洛陽

晚泊牛渚

宿誠禪師山房

贈澧州高大夫

聞董評事疾

詠庭梅寄人

德宗神武挽歌

敬宗睿武挽歌

文皇宗元挽歌

故相國挽歌

傷立中丞

河南觀察使

哭王僕射相公

傷韋賓客

再經故元力相公

送工部張侍郎

早秋送臺院

送陸侍御歸淮南

送令狐相公

奉送裴司徒

送如智法師

許給事見示哭

奉和中書崔舍人

奉和淮南李相公

元和癸巳歲

武陵書懷

早秋集賢院郎事

奉和吏部楊尚書



晚歲登武陵

罷郡歸洛陽

經伏波神祠

送春詞

送李尚書鎮滑州

送渾大夫赴澧州

送源中丞

送王司馬

洛中送處厚入關使

送周使君

送浙江李僕射相公

重送浙西李相公

送進士蔡

送唐舍人

送李中丞

奉送李戶部

送蘄州李郎中

送國子令狐博士

送李二十九

送分司陳郎中

贈別素上人

秋日過逢舉法司

送景玄師

廣宣上人寄

送僧元暲

贈日本僧智藏

送元簡上人

送宗密上人

西塞山懷古

陽山廟賽神

漢壽城春望

荊州道懷古

朗州竇員外

早春對雪

竇朗州見示

松磁洞望峽中



衢州徐員外

唐秀才贈

覽董評事思歸

謝寺雙檜

寄韓八壽州

洛中寺北樓見賀

聞韓賓擢第

宣上人遠寄

贈東嶽張鍊師

祕書崔少監見示

寄楊虢州

秋日題竇員外

蒙恩轉儀曹郎

途次華州陪錢大夫

始聞秋風

洛中初冬拜表

蔚遲郎中見示

洛中謝福建陳

和蘇十郎中

酬淮南廖參謀

題王郎中

酬朗州崔員外

劉駙馬水亭避暑

述舊賀遷

江陵嚴司空

偃松詩

贈致仕滕庶子

哭呂衡州

夔州竇員外

竇夔州見寄

哭龐京兆

荊州歌二首

紀南歌

視刀環歌

三閣辭四首

淮陰行四首



紇那曲詞二首

秋風引

柳花詞三首

路傍曲

君山懷古

庭竹

唐郎中宅

題壽安甘棠館

古詞二首

寓興二首

詠史二首

經檀道濟故壘

傷段右丞

傷獨孤舍人

再傷龐尹

魏宮詞二首

楊枝詞二首

竹枝詞二首

隄上行三首

踏歌詞四首

步虛詞二首

阿嬌怨

秋詞二首

秋扇詞

竹枝詞九首

楊枝詞九首

瀟湘二首

浪淘沙詞九首

洛中送韓七中丞

送廖東遊二首

洛中春末

夜燕福建盧侍御

重送鴻舉師

贈長沙讚

送霄韻上人

臺城懷古



戲贈崔千年

揚州春夜

逢王十二

闕下口號呈

監祠夕月

元和甲午歲

元和十一年

再遊玄都觀

與歌者米嘉榮

望夫石

聽舊宮中樂人

石頭城

烏衣巷

臺城

生公講堂

江令宅

韓信廟

秋夜安國觀聞笙

顧洛城古墻

李賈二大諫

美温尚書鎮

酬瑞州吳大人

徵還京師見舊

與歌者何戡

與歌童田順郎

燕爾館破屏風

賞牡丹

題歌器圖

傷桃源薛道士

王思道碑堂下作

傷愚溪三首

傷循州渾尚書

代靖安佳人怨二首

碧澗寺見元九侍御和展上人詩



劉賓客詩目終

實上十

通出或圖

與湯董田則仰

燕爾語如泉風

燦燦京相良藹

與湯昔同遊

美豈尚書鮑

惘然與大人

簡谷然古齋

李實二大齋

唐劉賓客詩集卷五

正議大夫檢校禮部尚書兼太子賓客贈兵

部尚書劉禹錫著

江左蘭囑朱之蕃校

五言古詩

團扇歌

團扇復團扇奉君清暑殿秋風入庭樹從此不想  
見上有乘鸞女蒼蒼網蟲遍明年入懷袖別是機

中練



宜城歌

野水繞空城行塵起孤驛荒臺側生栢石蜀陽鑄  
額靡靡度行人溫風吹宿麥

順陽歌

朝辭官軍驛前望順陽路野水鵲荒墳秋蟲鏤宮  
樹曾聞天寶末胡馬西南驚城守曾將軍城從  
此去

莫徭歌

莫徭自生長名字無符籍市易雜鮫人婚姻通水

客星居占泉眼火種開山脊夜渡千仞谿  
不  
能射

度桂嶺歌

桂陽嶺下下復高高人移鳥獸駭地遠草木豪寄  
言千金子知余歌者勞

挿田歌

連州城下俯接村墟偶登郡樓適有所感遂書其事為俚歌以俟采詩者

岡頭花草齊燕子東西飛田塍望如線白水先參  
差農婦白紵裙農父綠簔衣齊唱郢中歌嚶嚶如



竹枝但聞怨響音不辨俚語詞時時一大笑此必  
相嘲嗤水平苗漠漠煙火生虛落黃犬往復還赤  
雞鳴且啄路傍誰家卽烏帽衫袖長自言上計吏  
年幼離帝鄉田夫語計吏君家儂定計一來長安  
道眼大不相覩計吏笑致辭長安真大處省門高  
軒裁儂入無度數昨來補衛士唯用筒竹布君看  
二三年我作官人去

葡萄歌

田野生葡萄纏繞一枝高移來碧墀下張王日高

高分岐浩繁縟修蔓蟠詰曲揚翹向庭柯意思如  
有屬為之立長檠布濩當軒綠朱液溉其根理疎  
看滲漉繁葩組綬結懸實珠璣感馬乳帶輕霜龍  
鱗曜初旭有客汾陰至臨堂瞪雙目自言我晉人  
種此如種玉釀之成美酒令人飲不足為君持一  
斗往取涼州牧

蠻子歌

鈎輶語音蠻身衣班爛布熏猩掘以食此時飼盤  
瓠忽逢乘馬客恍若驚麝顧腰斧上高山竟行無



舊路

馬嵬行

綠野扶風道黃塵馬嵬驛路邊揚貴人墳高三四  
尺乃問里中兒輦言幸蜀時軍家誅戚族天子捨  
妖姬群吏伏門屏貴人牽帝衣低回轉美目風日  
為無暉貴人飲金屑倏忽舜英姿平生服古丹顏  
色其如何屬車塵已遠里巷來窺覩共愛宿粧妍  
君王畫眉處履綦無復有文組光未滅不見巖畔  
人空見凌波襪郵童愛踪跡私手解繫結傳看千

萬眼綫絕香不歇指環照骨明首飾敵連城將入  
咸陽市猶得賈胡驚

百花行

長安百花時風景宜輕薄無人不沽酒何處不聞  
樂長客連夜動微雨凌曉濯紅焰出墻頭雪光映  
樓角繁紫蔭松竹遠黃統籬落臨路不勝悲輕飛  
去何託滿庭蕩魂魄照庶成丹渥爛熳簇顛狂飄  
零勸行樂時節易晚晚清陰覆池閣唯有安石榴  
當軒慰寂寞



壯士行

陰風振寒郊猛虎正咆哮徐行出燒地連吼入黃  
茅壯士走馬去燈前彎玉玃叱之使人立一發如  
鼓交悍睛忽星墮飛血濺林梢彪炳為我席羶腥  
充我庖里中欣害除賀酒紛數號明日長橋上傾  
城看斬蛟

苦雨行

悠悠飛走情同樂在陽和歲中三百日常恐風雨  
多天人信遐遠時節易蹉跎洞房有明燭無乃醜

且歌

華山歌

洪鑪作高山元氣鼓其橐俄然神功就峻拔在寥  
廓靈跡露指爪殺氣見稜角凡木不敢生神僊聿  
來託天資帝王宅以我為關鑰能令下國人不見  
換神骨高山固無限如此方為嶽丈夫無特達雖  
貴猶碌碌

拋毬樂詞

五綵綉團團登君璫瑁筵最宜紅燭下偏趁落花



前上客如先起應須贈一船  
春早見花枝朝朝恨發遲及看花落後却憶未開  
時幸有拋毬樂一杯更莫辭

華清詞

日出驪山東裴徊照溫泉樓臺影玲瓏稍稍開白  
烟言昔太上皇寄居此祈年風中聞清樂徃徃來  
列仙翠華入五雲紫氣歸上玄哀哀生人淚泣盡  
弓劍前聖道本自我凡情徒顛然小臣感玄化一  
望青冥天

送春曲 三首

春向晚春晚思悠哉風雲日已改花葉自相催  
漠空中去何處天際來

春已暮冉冉如人老映葉見殘花連天是青草可  
憐桃與李從此同桑棗

春景去此去何時回遊人千萬恨落日高臺寂  
寞繁花盡流鶯歸不歸

初夏曲

三首

銅壺方促夜斗柄暫南回稍嫌單衣重初憐北戶



開西園花已盡新月為誰來  
 時節遇繁華陰陰千萬家  
 禽命子戲園果墜枝  
 斜寂寞孤飛蝶窺叢覓晚花  
 綠水風初暖青林露未晞  
 麥隴雉朝雒桑野人暮  
 歸百舌悲花盡平蕪來去飛

搥衣曲

爽砧應秋律繁杵含淒風  
 一一遠相續家家音不  
 同戶庭凝露清伴侶  
 明月中長裾委襞積輕珮  
 垂璁瓏汗餘衫更馥  
 鈿移麝半空報寒鷲  
 邊雁促思

聞候蟲天狼正芒角  
 虎落定相攻盈篋寄何處  
 征人如轉蓬

畬田作

何處好畬田團團縵山腹  
 鑽龜得兩卦上山燒臥  
 木驚麇走且顧群雉殼  
 啣喔紅焰遠成霞輕燂飛  
 入郭風引上高岑獵獵度  
 青林青林望靡靡赤光  
 低復起照潭出老蛟  
 爆竹驚山鬼夜色不見山  
 孤明星漢間如星復如月  
 俱逐曉風滅本從敲石光  
 遂至烘天熱下種暖灰中  
 乘陽拆牙孽蒼蒼一雨



後若穎如雲發已入拱手吟耕耨不關心由來得  
地勢徑寸有餘金

題鵝吟

朝陽有鳴鳳不聞千萬祀題鵝催衆芳晨間先入  
耳秋風白露晞從是爾啼時如何上春日唧唧滿  
庭飛

觀雲篇

興雲感陰氣疾足如見機晴來意態行有若功成  
歸葱籠含晚景潔素凝秋暉夜深度銀漢漠漠仙

人衣

養鷲詞

途逢少年志在逐獸方呼鷹隼以襲飛  
走因縱觀之卒無所獲行人有常從事  
於斯者曰夫鷲禽飢則為用今哺之過  
篤故也予感之作養鷲詞

養鷲非玩形所資擊鮮力少年昧其理日夜哺不  
息探雛網黃口旦暮有餘食寧知下韝時翅重飛  
不得毳毳上林表使兔自南北飲豕既已盈安能  
勞羽翼

別友人後得書因以詩贈



前時送君去。揮手青門橋。路轉不相見。猶聞馬蕭蕭。  
今得出關書。行程日已遙。春還遲君至。共結芳蘭苕。

送華陰尉張苕赴邕府使幕張即燕公之孫

頃坐事除名

昔忝南宮郎。往來東觀平。嘗披燕文傳。聳若窺三辰。  
翊聖崇國本。像賢正朝倫。高視緬今古。清風夏無鄰。  
蘭錡照通衢。一家十朱輪。鬱國嗣侯絕。韋卿世業貧。  
夫子承大名。少年振芳塵。青袍仙掌下。矯

首凌烟旻。公冶本非罪。潘郎一為民。風霜苦搖落。堅白無緇磷。  
一旦逢良時。天光燭幽淪。重為長裾客。佐彼觀風臣。  
分野窮禹畫。人煙過虞廵。不言此行遠。所樂相知新。  
雨起巫山陽。鳥鳴湘水濱。離筵出蒼莽。別曲多悲辛。  
今朝一杯酒。明日千里人。從此孤舟去。悠悠天海春。

送湘陽熊判官孺登府罷歸鍾陵因寄呈江

西裴中丞二十三兄

射策志未就。從事歲云除。篋留馬卿賦。袖有劉弘



書忽見夏木深。悵然憶吾廬。復持州民刺。歸謁專  
 城居。君家誠易知。勝絕傾里閭。人言北郭生。門有  
 卿相輿。鍾陵謁千里。帶郭江西水。朱檻照河宮。旗  
 亭綠雲裏。前來初缺守。慎簡由宸扆。臨軒弄郡章。  
 得人方付此。是時左馮翊。天下第一理。貴臣持牙  
 璋。優詔發青紙。迎風姦吏免。先令疲人喜。何武劾  
 腐儒。陳蕃禮高士。昔升君子堂。腰下綬猶黃。中丞時為  
尉萬年。汾陰有寶氣。赤董多以鉉。束簡下曲臺。佩韉  
 來歷陽。綺筵陪一咲。蘭室襲餘芳。風水忽異勢。江

湖遽相忘。因君倘借問。為話老滄浪。

送韋秀才道冲赴制學

驚禽一辭巢。棲息無少安。秋扇一離手。流塵蔽霜  
 紈。故侶不可追。涼風日已寒。遠逢杜陵士。別畫平  
 生歡。逐客無印綬。楚江多芷蘭。因居暇遊時。長缺  
 不復彈。閱書南軒際。絙瑟清夜闌。萬境身外寐。一  
 杯腹中寬。伊昔玄宗朝。冬卿冠鴛鴦。肅穆升內殿。  
 從容領儒冠。游夏無措詞。陽秋誰不刊。至今群玉  
 府。學者空縱觀。世人希德門。揭若攀峯巒。之子向



明訓。鏘如振琅玕。一旦西上書。斑衣拂征鞍。荆臺宿暮雨。漢水浮春瀾。君門起天中。多士如星攢。煙霞雙闕覆。抃舞羅千官。清漏宿銅壺。仙厨下雕槃。熒煌仰金榜。錯落濡飛翰。古來才傑士。所歎遭時難。一鳴從此始。相望青雲端。

送李策秀才還湖南因寄幙中親故兼簡衡

州李八郎中

深春風日淨。晝長幽鳥鳴。僕夫前致詞。門有白面生。攝衣相問訊。解帶坐南榮。端志見眉睫。芳言發

精誠。因出懷中文。調孤詞亦清。悄如促柱絃。掩抑多不平。乃言本蜀士。世降岷山靈。前人秉藝文。高視來上京。曳綬司徒府。所從信國楨。折薪委寶林。善響繼家聲。何處翳附郭。幾人思却成。雲天望喬木。風水悲流萍。前與計吏西。始列貢士名。森然就華禮。從使春官卿。帝城岐路多。萬足俟晨星。茫茫風塵中。工拙同有營。寒女勞夜織。山苗榮寸莖。侯門方擊鍾。衣褐誰將迎。弱羽果摧頽。壯心鬱怍怍。諒無蟠木容。聊復蓬累生。昨日訊靈龜。繇言利艱



貞當求捨拔中。必在審已明。誓將息薄遊。焦思窮  
筆精。蒔蘭在幽渚。安得揚芬馨。日餘摧落者。散質  
負華纓。一聆苦辛詞。再動伊鬱情。身弃言不動。愛  
才心上驚。恨無羊角風。使爾化北溟。論罷情益親。  
涉旬忘歸程。日隼邑中客。閒眺江上城。晝渴命金  
壘。宵談轉璿衡。薰風香麈尾。月露濡桃笙。忽被戒  
羸駮。薄言事南征。火雲蔚千里。旅思浩已盈。湘江  
含碧虛。衡嶺浮翠晶。豈伊山水異。適與人事并。油  
幘侶昆丘。粲然疊瑤瓊。庾樓見清月。孔生多綠醴。

復有衡山守。本自雲龍亭。抗志在靈府。發越倅咸  
英。一揮出滎陽。惠彼嗤嗤氓。隼旗辭灞水。居者皆  
涕零。惟昔與伊人。交歡經宿齡。一從雲雨散。滋我  
鄙吝萌。非渚不堪愁。南音誰復聽。離憂若去水。浩  
蕩無時停。嘗聞祝融峯。上有神禹銘。古石瑯玕姿。  
祕文螭虎形。聖功莫遠服。神物擁休禎。賢人在其  
下。彷彿疑蓬瀛。君行歷郡齋。大袂拂雙旌。飾容遇  
朗鑒。肝鬲可以呈。昔日馬相如。臨卽坐盡傾。勉君  
刷羽翰。蚤取凌青冥。



送李友路秀才赴舉

爾生始懸孤。我坐作上賓。引箸舉湯餅。祝詞天麒麟。今成一丈夫。坎壈愁風塵。長裾來謁我。自號廬山人。道舊與撫孤。悄然傷我情。依依看眉睫。嘿嘿含悲辛。永懷同年友。追想出谷晨。三十二君子。齊飛凌煙冥。曲江一會時。後會已彫淪。況今三十載。閱世難重陳。盛時一已過。來者日日新。不如搖落樹。重有明年春。火後見琮璜。霜雨識松筠。肅風乃獨秀。武部亦絕倫。爾今持我詩。兩見二重臣。成賢

必念舊貴。保在安貧。清時為情節。氣力侔陶鈞。乞取斗升水。因之雲漢津。

送和州錢侍郎自宣州幕拜官使於華州覲

省

五綵繡衣裳。當年正相稱。春風函關路。歸去甫多興。蘭陔行可採。蓮府猶回瞪。揚家紺幘迎。寺御即王祝公貴謝守瑤華贈。宣州崔相公御街草泛灑臺栢煙有詩贈行。含暝曾是主者留。無因理歸乘。

送僧及南謁柳員外



昔日廬山遠精舍虎溪東朝陽照瀑水樓閣虹霓  
中騁望羨雲游振衣若秋蓬舊房閉秋月遠思吟  
江風古寺歷頭陀奇峯板祝融南登小樓嶺却望  
歸塞鴻衣裊貯文章自言學雕蟲槍榆念陵厲覆  
簣而穹崇遠郡多暇日有詩訪禪宮石門崇峭絕  
竹院含空濛幽響滴巖溜晴芳飄野叢海雲懸颺  
毋山果屬狙公忽憶吳興郡白蘋正葱蘢願言挹  
風采邀若窺華嵩桂水多夏瀾急火消焰紅三衣  
濡菌露一錫飛煙空勿謂翻譯徒才為文雅雄古

來賞音者焦爨得孤桐

送義舟師卻還黔南

高齋映寒水是夕山僧至玄牝無關鎖瓊書拾文  
字燈明香滿室月午霜凝地語到不言時世間人  
盡睡

翠微寺有感

吾王昔遊幸離宮雲際開朱旗迎夏早涼軒避暑  
來湯餅賜都尉寒氷頒上才龍顏不可望王座生  
塵埃



觀舞柘枝 二首

胡服何葳蕤 僊姬登綺墀 神颯獵紅蕖 龍燭映金  
枝 垂帶覆纖腰 安鈿當無眉 翹袖中繁鼓 傾眸溯  
華棖 燕餘有舊曲 淮南多冶詞 欲見傾城處 君看  
起節時

山雞臨清鏡 石燕赴遙津 何如上客會 長袖入華  
裊 體輕似無骨 觀者皆聳神 曲盡回身處 層波猶  
注人

連州臘日觀莫徭獵西山

海天殺氣薄 蠻軍步伍囂 林紅葉盡變 原黑草如  
燒 圍合繁鉦息 禽興大旆搖 張羅依道口 旋犬上  
山腰 倩鷹慮奮迅 驚鹿時跼跳 瘴雲四而起 膺雪  
半空消 箭頭餘鵠血 鞍傍見雉翹 日暮還城邑 金  
笳發麗譙

寄陝州姚中丞 時分司東都

八月天地肅 二陵風雨收 旌旗闕下來 雲日關東  
秋 禹跡想前事 漢臺餘故丘 徘徊襟帶地 左右帝  
王州 留滯悲昔老 恩光榮徹侯 相思望棠樹 一寄



商叢謳

奉酬湖州崔郎中見寄五韻

山陽昔相遇灼灼晨葩鮮同遊翰墨場和樂墳篋  
然一落名宦途浩如乘風船行當衰暮日卧理淮  
海邊猶期謝病後共樂桑榆年

學阮公體 三首

少年負志氣信道不從時只言繩自直安知室可  
欺百勝何慮敵三折乃良醫人生不失意焉能暴  
已知

朔風悲老驥秋霜動鷲禽出門有遠道平野多層  
陰滅沒馳絕塞振迅拂華林不因感衰節安能激  
壯心

昔賢多使氣憂國不謀身目覽千載事心交上古  
人侯門有仁義靈臺多苦辛不學腰如磬徒使甑  
生塵

偶作 二首

終朝對尊酒嗜興非嗜甘終日偶衆人縱言不縱  
談世情閒盡見藥性病多諳寄謝嵇中散予無甚



不堪

萬卷堆床書學者識其真萬里長江水征夫渡要  
津養生非但藥悟佛不因人燕石何須辨逢時即  
至珍

昏鏡詞

并引

鏡之工列十鏡於賈奩發奩而視其一皎  
如其九霧如或曰良賈之不伴甚矣工解  
願謝曰非不能盡良也蓋賈之意唯售是  
念今來市者不歷見昧與已宜彼皎者不  
能隱芒祕之瑕非美容不合是用  
什一其數也予感之作昏鏡詞

昏鏡非美金漠然喪其精陋容多自欺謂若也鏡

明瑕疵闇不見妍態隨意生一日四五照自言美  
傾城飾帶以綺繡裝匣以瓊瑛秦宮豈不重非適  
乃為輕

秋晚題湖城驛池上亭

秋次池館上林塘照南榮塵衣紛未解幽思浩已  
盈秋蓮墜故萼露菊含晚英恨為一夕客愁聽晨  
鷄鳴

賈客詞

并引

五方之賈以財相雄而鹽賈尤熾  
或曰賈雄則農傷予感之作是詞



賈客無定遊所遊唯利并眩俗雜良苦乘時取重  
 輕心計析秋毫搖鈎侔懸衡錐刀既無棄轉化日  
 已盈徼福禱波神施財遊化城妻約雕金釧女垂  
 貫珠纓高資比封君奇貨通倖卿趨時鷲鳥思藏  
 鏹盤龍形大編浮通川高樓次旗亭行止皆有樂  
 關梁自無征農夫何為者辛苦事寒耕

調瑟詞

并引

里有富豪翁厚自奉養而嚴督減獲力屈  
 形削猶役之無蕪極一旦不堪命亡者過  
 半追亡者亦不來復翁頽沮而追  
 昨非之莫及也予感之作調瑟詞

調瑟自張絃絃平音自足朱絃二十五缺一不成  
 曲美人愛高張瑤軫再三促上絃雖獨響下應不  
 相屬日暮聲未和寂寥一枯木却顧膝上絃流淚  
 難相續

讀張曲江集作

并引

世稱張曲江為相建言放臣不宜與善地  
 多徙五溪不毛之鄉及今讀其文自內我  
 牧始安有瘴癘之歎自退相守荆門有拘  
 囚之思託諷禽鳥寄詞草樹鬱然有騷人  
 風嗟夫身出於遐陬一失意而不能堪矧  
 華人士族而必致醜地然後快意哉謬者  
 以曲江為良臣識胡鵠有反相羞凡器與  
 同列密故廷爭雖古哲人不及而燕翼無



似終為餒鬼豈知心失忠恕陰譴最大雖  
二美莫贖邪不然何表公一言明楚獄而  
鐘鼎四葉以是相較神可誣  
乎予讀其文因為詩以吊

聖言貴忠恕至道重觀身法在何所恨色相斯為  
仁良時難久恃陰譴豈無因寂寞昭陽廟魂歸不  
見人

詠古二首有所寄

車音想鱗鱗不見綦下塵可憐平陽第歌舞嬌青  
春金屋容色在文園詞賦新一朝復得幸應知失  
意人

寂寥照鏡臺遺基古南方真人昔來遊翠鳳相隨  
翔目成在桑野志遂貯椒房豈無三千女初心不  
可忘

磨鏡篇

沉塵翳明鏡歲久看如漆門前負局人為我磨一  
拂萍開綠池滿暈盡金波溢白日照空心圓光走  
幽室山神妖氣沮野魅真形出却思未磨時瓦礫  
來唐突

登司馬錯古城



秦昭王命錯征五溪  
蛮城在武陵沅江南

將軍將秦師西南奠遐服故壘清江上蒼烟晦喬  
木登臨直蕭辰周覽壯前躅整平陳葉滿墉高秋  
蔓綠廢井抽寒菜毀臺生魯穀耕人得古器宿雨  
多遺鏃楚塞鬱重疊蠻溪分詰曲留此數仞基幾  
人生遠目

謁柱山會禪師

我本山東人平生多感慨弱冠遊咸京上書金馬  
外結交當世賢馳聲邑四塞勉修貴及早狃健不

知退鎬銖揚芬馨尋尺招瑕類淹留郢南都摧顏  
羽翰碎安能咎往事且欲去沈痾吾師得真如寄  
在人寰內哀我墮名網有如翔飛輩瞳瞳揭智燭  
照使出昏昧靜見玄關啟歆然初心會夙尚一何  
微今得信可大覺路明證入便門通懺悔悟理言  
自忘處屯道猶泰色身豈吾寶慧性非形礙思此  
靈山期未卜何年載

卧病聞常山旋師出勲宥過王澤大洽因寄

李六侍郎



寂寂重痲痲病夫卧秋齋夜蛩思幽壁槁葉鳴枯  
堦南國異氣候火旻尚昏霾瘴煙跼飛羽冷氣傷  
百骸昨聞凱歌旋飲至酒如淮無戰陋卅水垂仁  
輕豪街清廟既策勲圖丘俟燔宗車馬一以混幽  
遠靡不懷逐客顛顛久故鄉雲雨乖禽魚各有化  
予欲問齊諧

善卷壇下作

先生見堯心相與去九有斯民既已治我得安林  
以道為自然貴名是無窮壽瑤臺在此山識者常

回首

武陵觀火詩

楚鄉祝融分炎火常為虞是時直突烟發自晨炊  
徒盲風扇其威白晝曛陽烏操綆不暇汲循墻還  
避踰怒如刈缺光迅與芬輪俱聯延掩四遠赫奕  
成洪鑪洵疑雲濤翻颯若鬼神趨當前迎炊赧是  
物同膏腴金烏入梵天赤龍遊玄都騰烟透窓戶  
飛焰生樂廬火山摧半空星雨灑中衢瑤壇被髹  
漆寶樹攢珊瑚光縣與焦琴旗亭無酒濡市人委



百貨色令遺雙鳧餘勢下隈隩長爍烘舳艫吹焚  
照水府炙浪愁天吳灾罷雲日晚心驚視聽殊高  
灰辨廩庾黑土連闔閭衆盡合星羅遊芬鏢人膚  
厚地藏宿熱遙林呈驟枯火德資生人庸可一日  
無御之失其道敲石彌天隅晉庫走龍劔吳宮傷  
燕雛五行有沴氣先哲垂訐謨宋鄭同日起時稱  
賢大夫無苛自可樂弭灾意所圖賢守恤人瘼臨  
煙駐驪駒吊塲色慘怛顏失詞助愉下令蠲里布  
指期輕市租間垣適未立苦盖自相娛山木行剪  
伐江泥宜瑾途邑臣不必曾何用徵越巫

崔元受少府自貶所還遺山薑花以詩答之  
故人博羅尉遺我山薑花採從碧海上來自謫仙  
家雲濤潤孤根陰日照晨葩靜搖扶桑日豔對瀛  
洲霞世人受苦辛褫忘幽遐傳名入帝里飛驛  
辭天涯王濟本尚味石崇方鬪奢堆盤多不識綺  
席乃增華驛馬損筋骨貴入滋齒牙顧予藜藿士  
持此重咨差

途中早發



馬踏塵上霜月明江頭路行人朝氣銳宿鳥相辭  
去流水隔遠村縵山多紅樹悠悠關塞內往來無  
閒步

和董度中古散調詞贈尹果毅

昔聽東武吟壯年心已悲如何心濩落聞君辛苦  
辭言有窮巷士弱齡頗尚竒讀得玄女符生當事  
邊時借名遊俠窟結客幽并兒往來長秋間能帶  
雙韉馳崩騰天寶末塵暗燕幽垂燿火入咸陽詔  
徵神武師是時占軍幕挿羽揚金羈萬夫列轅門

觀射中戟支誓言雪國讎親愛從此辭中宵倚長  
劍起視蚩尤旗介馬晨蕭蕭陣雲竟天涯陰風列  
白草旗梨光參差勇氣貫中腸視身忽如遺生擒  
白馬將虜騎不敢追貴臣上戰功名姓隨意移終  
歲肌骨苦他人印累累謁者既清宮諸侯各罷戲  
上將賜甲第門戟不可窺背血下沾袷天高問無  
期却尋故鄉路孤影空相隨行逢里中舊撲宿昔  
可嗤一言合侯王腰佩黃金龜問我何自苦可憐  
真數竒遲回顧徒御得色懸雙眉翻然悟世途撫



已昧所宜田園已蕪沒流浪江海湄鷲禽毛翮摧  
 不見高翔姿衰容蔽逸氣子子無人知寂寞草玄  
 徒長吟下書帷聞君發哀韻粲若瑤林枝有客識  
 其真潺湲涕交頤飲爾一杯酒陶然足自怡

望衡山

東南已盖卑維嶽資柱石前當祝融居上拂朱鳥  
 翮青冥結精氣磅礴宣地脉還聞膚寸陰能致彌  
 天澤

遊桃源一百韻

沅江清悠悠連日鬱岑寂回流抱絕巘皎鏡含虛  
 碧昏旦透明媚煙嵐分委積香蔓垂緣潭暴龍照  
 孤磧淵明著前志子驥思遠躋寂寂無何鄉密爾  
 天地隔金行太元歲漁者偶探陟尋花得幽踪窺  
 洞穿閤隙依微聞雞犬豁達值阡陌居人互相迎  
 笑語如平昔廣樂雖交奏海禽心不懌揮手一來  
 歸故溪無處覓縣縣五百載市朝幾遷革有路在  
 壺中無人知地脉皇家感至道聖祚自天錫金闕  
 傳本枝玉函留寶曆禁山開祕宇復戶索靈宅藥



檢香氣氳醮壇煙幕幕。我來塵外躅瑩若朝星析。  
崖轉對翠屏。水窮留畫鷁。三休俯喬木。千級扳峭  
壁。旭日聞撞鐘。綵雲迎躡屐。遂登最高頂。縱目還  
楚澤。平湖見青草。遠岸連霞赤。幽尋如夢想。繇思  
屬空閒。寘緣且忘疲。耽玩近成癖。清猿俟朝發。瑤  
草凌寒折。祥禽舞葱蘢。珠樹搖率璣。羽人顧我笑。  
勸我稅歸輶。霓裳何飄飄。童顏潔白皙。重巖是藩  
屏。馴鹿受羈約。樓居彌清霄。蘿蔦成翠巒。仙翁遺  
竹杖。王母留桃核。姽女飛丹砂。青童護金液。寶氣

浮鼎耳。神光生劍脊。虛無天樂來。僊宰鬼兵後。丹  
丘肅朝禮。五禮工紉繹。枕中淮南方。牀下阜鄉舄。  
明燈坐遙夜。幽籟聽浙瀝。因話近世仙。聳然心神  
惕。乃言瞿氏子。骨狀非凡格。往事黃先生。群兒多  
侮劇。警然不屑意。元氣貯肝膈。往往游不歸。洞中  
觀博奕。言高未易信。猶復加訶責。一旦前致辭。自  
云仙期迫。言思有道骨。前事常被謫。如今三山上。  
名字在真籍。悠然謝主人。後歲當來覲。言畢依庭  
宇。如烟去無跡。觀者皆失次。驚追紛絡繹。日暮山



徑窮。松風自蕭槭。適逢修蛇見。晴目光激射。如巖  
三清居。不使恣搜索。唯餘涉江勢。八趾在沙磔。至  
今東北隅。表以壇上石。列仙徒有名。世人非目擊。  
如何庭廡際。白日振羽翮。洞天豈幽遠。得道如咫尺。  
一氣無死生。三光目遷易。因思人間世。前路何  
狹窄。瞥然此生中。善祝期滿百。大方播群類。秀氣  
肖翕闢。性靜本同和。物牽成阻阨。是非鬪方寸。暈  
血昏精魄。遂令多天傷。猶喜見斑白。喧喧車馬馳。  
冉冉桑榆夕。共安緹綉縈。不悟泥途適。紛吾本孤

賤。世業在逢掖。九流宗指歸。百氏旁攬捩。公卿俱  
慰薦。鄉曲繆推擇。居安白社貧。志傲玄纁辟。功名  
希自取。簪組俟揚歷。書府蚤懷鈔。射宮曾發的。起  
草香生帳。坐曹烏集栢。賜燕聆簫韶。侍祠閱琮璧。  
嘗聞履忠信。可以行蠻貊。自述希古心。妄恃干時  
畫。巧言忽成錦。苦志徒食蘖。平地生峯巒。深心有  
矛戟。層波一震盪。弱植忽淪溺。非渚吊靈均。長岑  
思亭伯。禍來昧幾兆。事去空歎息。塵累與時深。流  
年隨漏滴。才能疑木鴈。報施迷夷格。楚奏擊鐘儀。



商歌勞窳戚。稟生非懸解。對涼方感激。自從嬰禍  
 羅。每事問龜策。丕正降雷雨。環玦賜遷斥。儻伏夷  
 平人。誓將羽衣客。買山構精舍。領徒問講席。異無  
 身外憂。自有閒中益。道牙期日就。塵慮乃冰釋。且  
 欲遺姓名。安能慕竹帛。長生尚學致。一豎豈虛擲。  
 芝术資糗糧。烟霞拂巾幘。黃石履看墮。洪崖肩可  
 拍。聊復嗟蜉蝣。何煩哀虺蜴。青囊既深味。瓊葩亦  
 屢摘。總無西山資。猶免長戚戚。

客有為余話登天壇遇雨之狀因以

清晨登天壇。平路逢陰晦。疾行穿雨過。却立視雲  
 背。白日照其上。風雷走於內。混濛雲海翻。槎牙玉  
 山碎。蛟龍露鬢鬣。神鬼含變態。萬狀互生滅。百音  
 以繁會。俯觀群動靜。始覺天宇大。山頂自晶明。人  
 間已霧霈。豁然重昏歛。渙若春冰碎。反照入松門。  
 瀑流飛縞帶。遙光泛物色。餘韻吟天籟。洞府撞仙  
 鐘。村墟起夕靄。却見山下侶。已如迷世代。問我何  
 處來。我來雲雨外。

秋江早發



輕陰迎曉日霞霽秋江明草樹含遠思襟懷有餘  
情凝睇萬象起朗吟孤憤平渚鴻未矯翼而我已  
遐征因思市朝人方聽晨鷄鳴昏昏戀衾枕安見  
天地英納爽耳目變玩竒筋骨輕滄洲有竒趣浩  
然吾將行

有僧言羅浮寺因為詩以寫之

君言羅浮上容易見九垓漸高元氣壯洶湧來翼  
身夜宿最高峯瞻望浩無鄰海黑天宇曠星辰來  
迴人是時當朏魄陰物恣騰辰日光吐鯨背劍影  
開龍鱗倏若萬馬馳旌旗聳齋淪又如廣樂奏金  
石含悲辛疑其有巨靈恠物盡來賓陰陽迭用事  
乃俾夜作晨咿啞天鷄鳴扶桑色昕昕赤波千萬  
里湧出黃金輪下視生物息霏如隙中塵醢雞仰  
甕口亦謂雲漢津世人信耳目方寸度大鈞安知  
視聽外恠愕不可陳悠悠想大方此乃栢水濱知  
小天地大安能識其真

裴祭酒尚書見示春歸城南青松塢別墅寄

王左丞高侍郎之什命同作



蚤宦閱人事曉懷生道機時從學省出獨望郊園  
歸野約度春水鶯花映巖扉石頭解金章林下步  
綠薇青松鬱成塢脩竹盈尺圍吟風起天籟蔽日  
無炎威危徑盤羊腸連甍聳翬飛幽谷響樵斧渾  
潭環釣磯因高見帝城冠蓋揚光輝白雪難持寄  
清韻投所希二公如長離比翼翔太微含情謝林  
壑酬贈駢珠璣顧予久即潛愁寂對芳菲一聞立  
中趣再撫黃金微

和河西裴尹侍郎宿齋天平寺詣九龍祠祈

雨二十韻

有事九龍廟挈齋夢玉祠玉簫何時絕碧樹空涼  
颺吏散埃壒息月高庭宇宜重城肅穆間澗水潺  
湲時人稀夜復閒慮靜境亦隨紆懷斷鰲足凝想  
乘鸞姿朱明盛農節膏澤方愆期瞻言五靈瑞能  
救百穀萎啣喔晨雞鳴欄杆斗柄垂修容謁神像  
注意陳正詞驚颺起泓泉若調雷雨師黑煙聳鱗  
甲酒液如芬絲豐隆震天衢列缺揮火旗炎空忽  
淒緊高雷玄縵縻生物已霽霈濕雲稍離披丹霞



啟南陸白水含東菑熙熙飛走適藹藹草樹滋浮  
光動宮觀遠思盈川坻吳公拙於政謝守工為師  
商山有病客言賀舒龐眉

冬夜晏河中李相公中堂命箏歌送酒

朗朗鷓鴣絃華堂夜多思簾外雪已深座中人半  
醉翠蛾發清響曲盡有餘意酌我莫愁酒老來無  
逸氣

重至衡陽傷柳儀曹

元和乙未歲與故人柳子厚臨湘水為別  
柳浮舟適柳州余登陸赴連州後五年余

從故道出桂嶺至前別處而  
君沒於南中因賦詩以投吊

憶昨與故人湘江岸頭別我馬映林嘶君颿轉山  
滅馬嘶循古道颿滅如流電千里江籬春故人今  
不見

謫居悼往 二首

邑邑何邑邑長沙地卑濕樓上見春多花前恨風  
急猿愁腸斷叫鶴病翹趾立牛衣獨自眠誰哀仲  
卿泣

鬱鬱鬱鬱何鬱鬱長安遠於日終日念鄉關燕來鴻復



還潘岳歲寒思屈平顛顛顏殷勤望歸路無所即  
登山

七言古詩

更衣曲

博山炯炯吐香霧紅燭引至更衣處如何其夜夜  
漫漫隣鷄未鳴寒鴈度庭前雪壓松桂叢廊下點  
點懸紗籠滿堂醉客爭咲語嘈噴琵琶青幕中

桃源行

漁舟何招招浮在武陵水垂綸擲餌信流去誤入

桃源行數里清源尋盡花綿綿踏花覓徑至洞前  
洞門蒼黑煙霧生暗行數步逢虛明俗人毛骨驚  
仙子爭來致詞何至此須臾皆破冰雪顏笑言委  
曲問人間因嗟隱身來種玉不知人間如風燭筵  
羞石髓勸客食燈爇松脂留客宿雞聲犬聲遙相  
聞曉色葱籠開五雲漁人振衣起出戶滿庭無路  
花紛紛翻然恐宿鄉縣處一息不肯桃源住桃花  
滿溪水似鏡塵心如垢洗不去仙家一出尋無踪  
至今水流尚重重



洞庭秋月

洞庭秋月生湖心層波萬頃豁鎔金孤輪徐轉光  
 不定遊氣濛濛隔寒鏡是時白露三秋中湖平月  
 上天地空岳陽樓頭暮角絕蕩漾已過君山東山  
 城蒼蒼夜寂寂水月逶迤繞城白蕩槩巴童歌竹  
 枝連檣估客吹羗笛勢高夜久陰力全金氣肅肅  
 開星躔浮雲野馬歸回首遙望星斗當中天天鷄  
 相呼曙霞出劍影含光讓朝日日出誼譁人不閒  
 夜來青景非人間

九華山

九華山在池州青陽縣西南九峯競秀女神  
 采奇異昔予仰太華以為此外無奇愛女  
 几荆山以為此外無秀及今年九華始悼  
 前言之容易也惜其地偏且遠不為世所  
 稱故歌以大之

奇峯一見驚嵬嵬意想洪鑪始開闢疑是九龍天  
 矯欲攀天忽逢霹靂一轂化為石不然何至今悠  
 悠億萬年氣勢不死如騰企音騫輕舉貌雲含幽兮月  
 添冷日月凝暉兮江漾影結根不待要路津迥秀  
 長在無人境軒皇封禪登雲亭大禹會計臨東溟



乘標力最反山行貌 不來廣樂絕獨與猿鳥愁青熒君不

見敬亭之山廣索漠兀如斲岸無稜角宣城謝眺

一首詩遂使聲名齊五岳九華山九華山自是造

化一尤物焉能籍甚乎人間

秦娘歌 并引

秦娘本韋尚書家主謳者初尚書為吳郡  
得之命樂工誦之琵琶使之歌且舞無幾  
何盡得其術居一二歲携之以歸京師京  
師多新聲善工於是又捐去故技以新聲  
度曲教之又盡其妙而秦娘名字往往見  
稱於貴遊之間元和初尚書薨於東京秦  
娘出居民間久之為蘄州刺史張憐所得  
其後憐坐事謫居武陵郡憐卒秦娘無所

歸地荒且遠無有能知其容與藝者故日  
抱樂器而哭其音唯殺以悲雜客聞之為

歌其事以足  
干樂府云

秦娘家本閭門西門前綠水環金隄有時粧成好

天氣走上高橋折花戲風流太守韋尚書路傍忽

見停隼旗斗量明珠烏傳意紺幘迎入專城居長

鬟如雲衣似霧錦茵羅薦承輕步舞學驚鴻水榭

春歌撩上客蘭堂暮從郎西入帝城中貴遊簪組

香簾櫳低鬟緩視抱明月纖指破撲生胡風繁華

一旦有消歇題劍無光履聲絕洛陽舊宅生草萊



杜陵蕭蕭松柏哀  
粧奩蟲網厚如罍  
博山爐側傾寒灰  
蘄州刺史張公子  
白馬新到銅駝里  
自言買笑擲黃金  
月墜雲收從此始  
安知鵬鳥座隅飛  
寂寞冥旅魂招不  
歸秦家鏡有前時  
結韓壽香銷故篋  
衣山城少人江水  
碧斷鴈哀猿風雨  
夕朱絃已絕為知  
音雲鬢未秋私自  
惜舉目風煙非舊  
時夢尋歸路多參  
差如何將此千行  
淚更灑湘江斑竹  
枝

龍陽縣歌

縣門白日無塵土  
百姓縣前挽魚罟  
主人引客登

大隄小兒縱觀黃  
犬怒鷓鴣驚鳴繞  
籬落橘柚垂芬照  
窓戶沙平草綠見  
吏稀寂寥斜陽照  
縣鼓

墻陰歌

白日左右浮天潢  
朝暉影入東西墻  
昔為兒童在陰戲  
當時意小覺日長  
東隣侯家吹笙簧  
隨陰促促移象牀  
西鄰田舍乏糟糠  
就影汲汲舂黃梁  
因思九州四海外  
家家只占墻陰內  
莫言墻陰咫尺間  
老却主人如等閑  
君看瞥眼光陰促  
中心莫學太行山



踏潮歌

并引

元和十年夏五月終風駕濤南海羨益南人曰踏潮也率三更歲一有之余為連州客或為予言其狀因歌之附于南越志

屯門積日無回颺滄波不歸成踏潮轟如鞭石斫  
且搖巨空欵駕鼉鼉橋驚滿蹙縮悍而驕大陵高  
岸失岩堯四邊無阻音響調背負元氣掀重霄介  
鯨得性方逍遙仰鼻嗟吸揚朱翹海人狂顧迭相  
招薊衣壁首殼曉曉征南將軍登麗譙赤旗指麾  
不敢囂翌日風回沴氣消歸濤納納景昭昭鳥沉

白沙復滿海海色不動如青瑤

白鷺兒

白鷺兒最高格毛衣新成雪不敵眾禽喧呼獨凝  
寂孤眠芊芊草久立潺潺石前山正無雲飛去入  
遙碧

武夫詞

有武夫過說余以從軍之樂翌日質于通武之善經者則曰果有樂也夫威資而賞勞則樂用威雄而賞覲則樂橫顧其樂安出耳爭錫然作是詞

武夫何洗洗衣紫襲絳裳借問胡為爾列校在鷹



揚依倚將軍勢交結少年場探丸害公吏袖刃宿  
名倡家產既不事顧盼自生光酣歌高樓上袒裼  
大道傍昔為編戶不足數血污城西一杯土南風  
無火楚澤閒夜行不鎖穆陵關策勲禮畢天下泰  
猛士按劍看常山時常山不定

平齊行 二首

胡塵昔起薊北門河南地屬平盧軍貂裘代馬統  
東岳嶧陽孤桐削為角地形十二虜意驕恩澤含  
容歷四朝魯人皆科帶弓箭齊人不復聞簫韶今

朝天子聖神武手握玄符平九土初哀狂童襲故  
事文告不來方振怒去秋詔下誅東平官軍四合  
猶嬰城春來群鳥噪且驚氣如攘山墮其庭牙門  
大將有劉生夜半射箭撓槍星帳中虜血流滿地  
門外三軍撫連臂驛騎函首過黃河城中無賊天  
氣和朝庭侍郎來慰撫耕夫滿野唱行歌

泰山沈寇六十年旅祭不享生愁烟今逢聖君歆  
封禪神使陰兵來助戰妖氛掃盡河水清日觀杲  
杲慶雲生開元皇帝東封時嘯曲興無窮調同詞



不同願即千萬壽長作主人翁

送裴處士應制舉

裴生久在風塵裏氣勁言高為知己注書曾學鄭  
司農歷國多於孔夫子往年訪我到連州無窮絕  
境終日遊登山日長試蠟屐入洞夏裏披貂裘白  
帝城邊又相遇歛翼三年不飛去忽然結束如秋  
蓬自稱對策明光宮入言策中訖何事掉頭不答  
看飛鴻彤庭翠松迎曉日鳳銜金榜雲間出七貴  
腰間傾酒觥宰臣委佩觀瑤筆古稱射策如彎弧

一發偶中何時無由來草澤無忌諱努力滿挽當  
亨衢憶得當年識君處嘉禾日後聯墻住垂鈎釣  
得玉餘魚踏芳共登蘇小墓此事今同夢想間相  
看一笑且開顏老大希逢舊隣里為君扶病到芳  
山

赴汝州途出浚下留辭李相公

長安舊遊四十載鄂渚一別四十年後來富貴已  
零落歲寒松栢尚依然初逢建元尚文主雲關天  
池共翔舞相看却數六朝臣屈指如今無四五夷



實集 卷五 十七  
門天下之咽喉昔時徃徃生瘡痍聯翩舊相來鎮  
壓四海吐納皆通流久別凡經幾多事何由說得  
平生愁千思萬慮盡如空一笑一言真可休世間  
何事最殷勤白頭將相逢故人功威名遂會歸老  
請向東山為近隣

送李庚先輩赴選

一家何啻十朱輪諸父雙飛秉大鈞曾脫素衣參  
幕客却為精舍讀書人離筵洛水侵杯色征路函  
關向晚塵今日山居賓主話知君不負帝城春

送僧仲荆東遊兼寄呈靈澈上人

釋子道成神氣閒住持曾上清涼山晴空禮拜見  
真像金毛五髻卿雲間西遊長樂隸僧籍本寺門  
前曲江碧松間白月照寶書竹下香泉灑瑤席前  
時學得經論成奔馳象馬開禪扃高筵談柄一麾  
拂講下聽徒如醉醒舊聞南方多長老次第來入  
荆門道荊州本自重彌天南朝塔廟猶依然宴坐  
東陽枯樹下經行居止故臺邊忽憶遺民社中客  
為我衡陽駐飛錫講罷同尋相鶴經閑來共樂登



山侵一旦揚眉望沃州。自言王謝許同遊。憑將雜  
擬三十首寄與江南湯慧休。

觀碁歌送儂師西游

長沙男子東林師。開讀藝經工奕碁。有時凝思如  
入定。暗覆一局誰能知。今年訪予來小桂。方袍袖  
中貯新勢。山城無事愁日長。白晝愔愔眠匡牀。因  
君臨局看鬪智。不覺遲景沉西墻。自從山人遇樵  
子。直到開元王長史。前身後身付餘習。百變千化  
無窮已。初疑磊落曙天星。次見搏擊三秋兵。鴈行

布陳衆未曉。虎穴得子人皆驚。行盡三湘不逢敵。  
終日饒人損機格。自言臺閣有知音。悠然遠起西  
遊心。商山夏木陰寂寂。好處徘徊駐飛錫。忽思爭  
道畫平沙。獨笑無言心有適。藹藹京城在九天。貴  
遊豪士足華筵。此時一行出入意。賭取聲名不要  
錢。

送慧則法師上都因呈廣宣上人

禪客學禪兼學文。出山初似無心雲。從風舒卷來  
何處。繚繞巴山不得去。山川古寺好閒居。讀盡龍



王宮裏書使君灘頭揀石硯白帝城邊尋野蔬忽  
然登高心暫起又欲浮杯信流水烟波浩淼魚鳥  
情東去三千三百里荆門峽斷無盤渦湘平漢澗  
清光多廬山霧開見瀑布江西月淨聞漁歌鐘陵  
八郡多名守半是西方社中友與師相化便談空  
竚聽高齋獅子吼

三鄉驛樓伏覩玄宗望女几山詩小臣斐然  
有感

開元天子萬事足唯惜當時元景促三鄉陌上望  
仙山歸作霓裳羽衣曲仙心從此在瑤池三清八  
景相催隨天上忽乘白雲去世間空有秋風詞

### 城西行

城西簇簇三叛族叛者為誰蔡吳蜀中夜提刀出  
禁來九衢車馬轟如雷臨行與酒杯未覆讐家白  
官先請肉守吏能然董卓臍飢烏來見桓玄目城  
西人散秦街平雨洗血痕春草生

### 武昌老人說笛歌

武昌老人七十餘手把庾令相問書自言少小學



吹笛早事曹王曾賞激往來鎮戍到蘄州楚山蕭  
蕭笛竹秋當時買材恣搜索典却身上烏貂裘古  
苔蒼蒼封老節石上孤生飽風雪商轂五音隨指  
發水中龍應行雲絕曾將黃鶴樓上吹一轂占盡  
秋江月如今老去語尤遲音韻高低耳不知氣力  
已微心尚在時時一曲夢中吹

西山蘭石試茶歌

山僧後檐茶數叢春來映竹抽新茸宛然為客振  
衣起自傍芳叢摘鷹觜斯須炒成滿室香便酌砌

下金沙水驟雨松聲入鼎來白雲滿盃花徘徊悠  
揚噴鼻宿醒散清峭徹骨煩襟開陽崖陰巖各殊  
氣未若竹下莓苔地炎帝雖嘗未解煎桐君有錄  
那知味新牙連拳半未舒自摘至煎俄頃餘木蘭  
霑露香微似瑤草臨波色不如僧言靈味宜幽寂  
采采翹英為嘉客不辭緘封寄郡齋甌并銅爐損  
標格何況蒙山顧渚春白泥赤印走風塵可知花  
蕊清冷味須是眠雲躋石人

平秦 二首



秦中秦中衆心死妖星夜落照河水漢家飛將下  
天來馬箠一揮門洞開賊徒奔騰望旗拜有若群  
蟄驚春雷狂童面縛登檻車太白妖矯垂捷書相  
公從容來鎮撫常侍郊迎負文弩四人歸業閭里  
閒小兒踉跳健兒舞  
汝南晨雞喔喔鳴城頭鼓角音和平路傍老人憶  
舊事相與感激皆涕零老人收泣前致辭官軍入  
城人不知忽驚元和十二載喜見天寶承平時

聚蚊謠

沉沉夏夜蘭堂開飛蚊俟暗聲如雷嘈然歛起初  
駭聽殷殷若自南山來喧騰鼓舞喜昏黑昧者不  
分聽者惑露花滴瀝月上天利嘴迎人着不得微  
軀七尺爾如芒我孤爾衆能我傷天生有時不可  
遏為爾設幄潛匡牀清商一來秋日曉羞爾微形  
飼丹鳥

百舌吟

曉星寥落春雲低初聞百舌間關啼花樹滿空迷  
處所搖動繁英墜紅雨笙簧百轉音韻多黃鸝吞



寶集 卷五 四十一  
穀燕無語東方朝日遲遲升迎風弄景如自矜數  
穀不盡又飛去何許相逢綠楊路綿蠻宛轉似娛  
人一心百舌何紛紛醜顏俠少停歌聽墜珥妖姬  
和睡聞可憐光景何時盡誰能低回避鷹隼廷尉  
張羅自不關潘郎挾彈無情損天生羽族爾何微  
舌端萬變乘春暉南方朱鳥一朝見索漠無言蒿  
下飛

飛鳶操

鳶飛杳杳青雲裏鳶鳴蕭蕭風四起旗尾飄揚勢  
漸高箭頭若劃穀相似長空悠悠霽日懸六翮不  
動疑風烟遊鷗翔鴈出其下慶雲清景相回旋忽  
聞飢鳥一噪聚瞥下雲中爭腐鼠騰音礪吻相喧  
呼仰天大嚇疑鷓鴣畏人避犬投高處俛吻無穀  
猶屢顧青鳥自愛玉山禾仙禽徒貴華山露撲棘  
危巢向暮時毯毳飽暖躡枯枝遊童挾彈一麾肘  
臆碎羽分人不悲天生衆禽各有類威鳳文章在  
仁義鷹隼儀形螻蟻心雖能戾天何足貴

秋螢引



漢陵秦苑遙蒼蒼陳根腐葉秋螢光夜空寂寥金  
氣淨千門九陌飛悠揚紛紛暉映互明滅金爐星  
噴汀花發霜華洗濯清風吹低昂不宗招搖垂高  
麗果愚照蛛網斜歷璇題舞羅幌曝衣樓上拂香  
帚承露臺前轉仙掌槐市諸生夜讀書北窓分明  
辨魯魚行人東山起征思郎中騎省悲秋氣銅雀  
人歸自入簾長門帳開來照淚誰言向晦常自明  
兒童走步嬌女爭天生有光非自銜遠近低昂暗  
中見撮蚊妖鳥亦夜飛翅如車輪而已稀

傷秦妹行 并引

河南房開士前為虞部郎中為余詰曰我  
得善箏人于長安懷遠里其後開士為赤  
縣牧容州求國工而誨之藝工而天今年  
開士遺余新詩有憚佳人之句顧余知所  
自也惜其有良妓獲新從而  
不克久乃為傷詞以貽開士

長安二月花滿城插花女兒彈銀箏南宮仙郎下  
朝晚曲頭駐馬聞新聲馬蹄逶迤心蕩漾高樓已  
遠猶頻望此時意重千金輕烏傳消息紺輪迎芳  
筵銀燭一相見淺笑低鬟初目成蜀絃錚鏦指如  
玉皇帝弟子韋家曲青牛文梓赤金簧玫瑰寶柱



秋鴈行歛蛾收袂凝清光抽絃授調怒且長八鸞  
鏘鏘渡銀漢九鷁成鳳鳴朝陽曲終韻盡意不足  
情思悄絕愁空堂從即鎮南別城闕樓船里曲瀟  
湘月馮夷踰躡舞漾波鮫人出聽停綃梭北池含  
燿瑤草短萬松亭下清風滿非池萬松皆容州勝槩秦歌一  
曲此時聞嶺泉鳴咽腸堪斷來自長陵小市東薜  
華零落瘴江風侍兒掩泣悲銀甲鸚鵡不言愁玉  
籠博山爐中香自滅鏡奩塵暗同心結從此東山  
非昔遊長嗟人與絃俱絕

採菱行

武陵俗事採菱歲秋矣有女郎盛遊于馬湖薄言採之歸以御客古有採菱曲傳其詞故賦之以俟採詩者

白馬湖平秋日光紫菱如錦綵鴛翔蕩舟遊女滿  
中央採菱不顧馬上郎爭多逐勝紛相向時轉蘭  
橈破輕浪長鬟弱袂被參差釵影釧文浮蕩漾咲  
語哇咬顧晚暉蓼花綠岸扣舷歸歸來共到市橋  
步野蔓繫船萍滿衣家家竹樓臨廣陌下有連檣  
多估客携觴薦菱夜經過醉踏大隄相應歌屈平



祠下沅江水月照寒波白煙起一曲南音此地聞  
長安北望三千里

五言律詩

春有情篇

為問遊春侶春情何處尋  
花含欲語意草有鬪生  
心雨頻催發色雲輕不作陰  
縱令無月夜芳興暗中深

七夕 二首

河鼓靈旗動嫦娥破鏡斜  
滿空天是幕徐轉地為

車機罷猶安石橋成不礙  
槎誰知觀津女終日望  
雲涯

天衢啟雲帳神馭上星橋  
初喜渡河漢頻驚轉斗  
杓餘霞張錦帳輕電閃紅  
銷非是人間世還悲後  
會遙

邊風行

邊風蕭蕭鳴邊馬滿磧生  
暗添弓箭斗上鼓鼙  
聲襲月寒暈起吹雲陰  
陣成將軍占氣候出號夜  
翻營



送工部蕭侍郎刑部李郎中並以本官兼中丞分命克京西京北覆糧使

霜簡映金章相輝同舍郎天威巡虎落星使出驚行尊俎成全策京坻閱見糧歸來虜塵滅畫地奏明光

送太常蕭博士弃官歸養赴東都時元兄罷相為少師

仲兄為師官並分司洛邑

兄弟盡驚鸞歸心切問安貪榮五綵服遂掛西梁冠侍膳曾調鼎循陔更握蘭從今別君後長憶德

星看

送張輿赴舉 并引

古人以偕受學為同問友今人以偕升名為同年友其語孰見縉紳者皆道焉余與張輿為友人由是道也曩吾見爾之始生以老成為祝今吾見爾之成人以未立為憂吾不幸向所謂同年友當其盛時聯袂齊鑣亘絕九衢若屏風然今來落落如曙星之相望偕曰會合不煩異席可長太息哉然而尚書右丞衛大受兵部侍郎武庭碩二君者當時偉人咸萬夫之望足以釘十朋之多也第如京師無騷騷亦無忻忻爾時秋也吾為若叩商之謳幸有感夫二君子

祖帳臨周道前旌指晉城午橋群吏散亥字老人

卷之二



迎詩酒同行樂別離方見情從茲洛陽社吟詠屬書生

發華州留別張侍御

東簡下延閣買符驅短轅同人惜分袂結念醉芳樽切切別絃急蕭蕭征騎煩臨岐無限意相視却忘言

奉送家兄歸王屋山隱居 二首

洛陽天壇上依稀似玉京夜分先見日月靜遠聞笙雲路將雞犬舟臺有姓名古來成道者兄弟一

同行

春來山事好歸去亦逍遙水淨苔莎色露香芝朮苗登臺吸瑞景飛步翼神飈願薦墳麓曲相將學玉簫

送王師曾協律赴湖南使幕 即永穆公之孫

翩翩馬上即驅傳渡三湘橘樹沙洲暗松醪酒肆香素風傳竹帛高價聘琳琅楚水多蘭芷何人事舉芳

送趙中丞自司金外郎轉官參山南令狐僕



射幕府

趙氏弟兄皆僕射門客

綠樹滿褒斜西南蜀客餘驛門臨白草縣道入黃  
花相府開油幕門生逐絳紗行看布政後還從入  
京華

送盧處士歸嵩山別業

世業嵩山隱雲深無四隣藥爐燒姹女酒甕貯賢  
人晚日華陰霧秋風函谷塵送君從此去鈴閣少  
談賓

送洛中崔司業使君扶侍赴唐州

綠野方城路殘春柳絮飛風鳴驪驪馬日照老萊  
衣洛苑魚書至江村鴈戶歸相思望淮水雙鯉不  
應稀

送河南皇甫少尹赴絳州

誰憐相門子不語望秋山生長綺紈內辛勤筆硯  
間榮親在名字好學棄官班佇俟明年社高堂開  
笑顏

送從弟侍郎赴浙西

銜命出尚書新恩喚使車漢庭無右者梁苑重歸



歟又食建業水曾依京口居共經何限事實主兩  
如初

送元上人歸稽亭

重疊稽亭路山僧歸獨行遠峯斜日影本寺舊鐘  
聲徒侶問新事烟雲愴別情應誇乞食處踏遍鳳  
凰城

送惟良上人

窮巷唯秋草高僧獨扣門相歡如舊識問法到無  
言水為風生浪珠非塵可昏悟來皆是道此別不

銷魂

送深法師遊南岳

上人本  
資聖寺

師在白雲鄉名登善法堂十方傳句偈八部會壇  
塲飛錫無定所寶書留舊房唯應銜果雁相送至  
衡陽

賭贈別約師

師逢吳興寺相伴住禪高春雨同栽樹秋燈對講  
經廬山曾結社桂水遠揚舫話舊還惆悵天南望  
柳星



送鴻舉師赴江南

學盡長廊遍尋僧一徑幽小池兼鶴淨古木帶蟬  
秋客至茶烟起禽歸講席收浮杯明日去相望水  
悠悠

贈眼醫婆羅門僧

三秋傷望眼終日哭窮途兩目今光暗中年似老  
翁看朱漸成碧羞日不禁風師有金篦術如何為  
發蒙

海門潮別浩初師

前日過蕭寺看師上講筵都人禮白足施者散金  
錢方便無非教經行不廢禪還知習居士發論侍  
彌天

春日退朝

紫陌夜來雨南山朝下看戟枝迎日動閣影助松  
寒瑞氣轉綃縠遊光泛波瀾御溝新柳色處處拂  
歸鞍

蜀先主廟

漢末謠黃牛白腹五銖當復

天地英雄氣千秋尚凜然勢分三足鼎業復五銖



錢得相能開國生兒不象賢  
淒涼蜀故妓來舞魏宮前

經東都安國觀九仙公主舊院作

仙院御溝東今來事不同  
門開青草日樓閉綠楊  
風將火昇天路披雲赴月宮  
武皇曾駐驛親問主人翁

觀八陣圖

軒皇傳上略蜀相運神機  
水落龍蛇出平沙鵝鶴  
飛波濤無動勢鱗介避餘威  
會有知兵者臨岐指

是非

八月十五夜觀月

天將今夜月一遍洗寰瀛  
暑退九霄淨秋澄萬景  
清星辰讓光彩風露發晶英  
能變人間世儵然是玉京

大和戊申歲大有年詔賜百寮出城觀秋稼  
謹書盛事以俟采詩者

長安銅雀鳴秋稼與雲平  
玉燭調寒暑金風振順  
成川原呈上瑞恩澤賜閒行  
歆反重城掩猶聞歌



舞聲

金陵懷古

潮滿冶城渚日斜征虜亭  
蔡洲新草綠幕府舊烟  
青興廢由人事山川空地  
形後庭花一曲幽怨不  
堪聽

晝居池上亭獨吟

日午樹陰正獨吟池上亭  
靜看蜂教誨閒想鶴儀  
形法酒調神氣清琴入性  
靈浩然機已息几杖復  
何銘

分司東都蒙襄陽李司徒相公書問因以奉  
寄

早忝金馬客晚為商洛翁  
知名四海內多病一生  
中舉世往還盡何人心事  
同幾時登峴首恃舊揖  
三公

門下相公榮加冊命天下  
同歡忝沐春私輒  
感申賀

冊命出宸衷官儀自古崇  
特膺平土拜光贊格天  
宮再佩扶陽印常秉鮑氏  
驄七賢遺老在猶得詠



清風

病中一二禪客見問因以謝之

勞動諸賢者同來問病夫  
添爐烹雀舌灑水淨龍鬚  
身是芭蕉喻行須竹杖扶  
醫王有妙藥能乞一丸無

秋江晚泊

長泊起秋色空江涵霽暉  
暮霞千萬狀賓鴻次第飛  
古戍見旗迥荒村聞犬稀  
軻峨扁上客勸酒夜相依

步出武陵東亭臨江寓望

鷹至感風候霜餘變林麓  
孤颿帶日來寒江轉沙曲  
戍搖旗影動津晚櫓聲促  
月上彩霞收漁歌遠相續

秋日送客至潛水驛

候吏立沙際田家連竹溪  
楓林社日鼓茅屋午時鷄  
鵲噪晚禾地蝶飛秋草畦  
驛樓宮樹近疲馬再三嘶

湖州崔郎中曾長寄三癖詩自言癖在詩與



寶集 卷五 五  
琴酒其詞送而高吟詠不足昔柳吳興亭  
臯隴首之句王融書之白團扇故為四韻  
以謝之

視事畫屏中自稱三癖翁管絃泛春渚旌旆拂晴  
虹酒對青山月琴韻白蘋風會書團扇上知君文  
字工

為郎分司寄上都同舍

籍通金馬門家在銅駝陌省闈畫無塵宮樹朝凝  
碧荒街淺深轍古渡潺湲石唯有嵩丘雲堪誇早

朝客

登陝州城北樓卻寄京都親友

獨上百尺樓目窮思亦愁初日徧露草野田光悠  
悠塵息長道白林清宿烟收回首雲深處永懷鄉

舊游

途中早發

中庭望啟明促促事晨征寒樹鳥如動霜橋人未  
行水流白煙起日上彩霞生隱士應高枕無人問

姓名

寶集

卷五

五五



陝州河亭陪韋伍大夫雪後眺望因以留別  
 與韋有布衣之舊一別二紀經遷貶而歸  
 雪霽太陽津城池表裏春河流添馬頰原色動龍  
 鱗萬里獨歸客一杯逢故人登高向西望關路正  
 飛塵

城中閒遊

借問池臺主多居要路津千金買絕境永日屬  
 人竹逕縈紆入花林委曲巡斜陽衆客散空鎖一  
 園春

罷郡歸洛陽閒居

十年江海守旦夕有歸心及此西還日空城東武  
 吟花前數杯酒月下一張琴聞說功名事依前惜  
 寸陰

晚泊牛渚

蘆葦晚風起秋江鱗甲生殘霞無變色遊雁有餘  
 聲伐鼓音響絕漁家燈火明無人能詠史獨自月  
 中行

宿誠禪師山房題贈 二首



晏坐白雲端清江直上看來人望金刹講席繞香  
壇虎嘯夜林動鼉鳴秋澗寒衆音徒起滅心在淨  
中觀  
不出孤峰上人問四十秋視身如傳舍閱世似東  
流法為因緣立心從次第脩中宵問真偈有住是  
吾憂

贈灋州高大夫司馬霞寓

前年收錦城馬蹋血泥行千里追戎首三軍許勇  
名殘兵疑<sub>信</sub>嘆空壘辯烏鵲一誤雲中級南遊湘

水清

聞董評事疾因以書贈

繁露傳家學青蓮譯梵書火風乖四大文字廢三  
餘歌枕晝眠靜折巾秋髮疎武王思視草誰許茂  
陵居

詠庭梅寄人

蚤花常犯寒繁實常苦酸何事上春日坐令芳意  
闌天桃定相笑遊妓肯回看君問調金鼎方知正  
味難



德宗神武孝文皇帝挽歌 二首

出震清多難乘時播大鈞操絃調六氣揮翰動三  
辰運偶升天日哀深率土人瑤池無轍迹誰見屬  
車塵

鳳翼擁銘旌威遲吳吉行漢儀陳祕器楚挽咽繁  
聲駐紵辭清廟疑笄背直城唯應晉內傳知是向  
蓬瀛

敬宗睿武昭愍孝皇帝挽歌 三首

寶曆方無限仙期忽有涯事親崇漢禮傳聖法殷  
家晚出芙蓉關春歸棠棣華玉輪今日動不是畫  
雲車

任賢勞夢寐登位富春秋欲遂東人行寧虞祀國  
憂長楊收羽騎太液泊龍舟惟有衣冠在年年愴  
月遊

講學金華殿親畊鈎盾田侍臣容見獵方士信求  
仙虹影俄侵日龍顏不上天空餘水銀漢長照夜  
燈前

文皇宗元聖昭獻孝皇帝挽歌 三首



繼體三才禮承顏九族親禹功留海內殷曆付天  
倫調露曲常在秋風調尚新本支方百代先讓棟  
華春

月落宮車動風淒儀仗閒路隄瞻鳳翼人尚想龍  
顏御宇方無事乘雲遂不還聖情悲望處沉日下

西山

享國十五載升天千萬年龍鑣仙路遠騎吹禮容  
全日下初陵外人悲舊劍前周南有遺老掩淚望  
秦川

故相國燕國公子司空挽歌 二首

彫弓封舊國黑稍繼前功十年鎮南雍九命作司  
空池臺樂事盡簫鼓葬儀雄一代英豪氣曉散白

楊風

陰山貴公子來葬五陵西前馬悲無主猶帶朔風  
嘶漢水晉山郭襄陽白銅鞮至今有遺愛舊人莫  
悽悽

傷丘中丞

河南丘絳有詞藻與余同升進士  
科從仕歎下不幸遇害故為傷詞



鄴下殺才子蒼忙寃氣凝枯楊映漳水野火上西陵馬鬣今無所龍門昔共登何人為吊客唯是有青蠅

河南觀察使故相國袁公挽歌 三首

五軀龍虎節一入鳳凰池令尹自無喜羊公人不疑天歸京兆日葉下洞庭時湘水秋風至淒涼吹素旗

丹旒發江臯人悲雁亦號湘南罷亥市漢上改詞曹表墓雙碑立尊名一字褒嘗聞平楚獄為報里

門高

返葵三千里荆衡達帝畿逢人多故吏拜奠盡沾衣地得青烏相賓驚白鶴飛五公碑尚在今日亦同歸

哭王僕射相 名播時無  
鹽鐵暴薨

子輿一日病勝公千載歸門庭愴已變風物澹無輝群吏謁新府舊賓沾素衣歌堂忽暮哭賀雀盡驚飛

傷韋賓客 自工部尚  
書除賓客



韋公八十餘位至六尚書五福唯無富一生誰得  
知桂枝收實久蘭出城初海內時流盡何人動素  
車

再經故元九相公宅池上作

故池春又至一到一傷情雁鷺群猶下蛙蟪衣已  
生竹叢身後長臺勢雨來傾六尺狐安在人間未  
有名

五言排律

送工部張侍郎入蕃吊祭

時張蕪修史

月窟賓諸夏雲官降九天飾終隣好重錫命禮容  
全水咽猶登隴沙明稍極邊路因乘驛近志為飲  
冰堅毳帳差池見烏旗搖曳前歸來賜金石榮耀  
自編年

早秋送臺院楊侍郎歸朝

兄弟四人遍歷  
諸科二人同省

仙署棣華春當時已絕倫今朝丹闕下更入白眉  
人重振高陽族分居要路津一門科第足五府郡  
書頻鷺鳥得秋氣法星懸火旻聖朝寰海靜所至  
不埋輪



送陸侍御歸淮南使府五韻

用年  
字

江左重詩篇陸生名久傳鳳城來已熟羊酪不嫌  
羶歸路芙蓉府離堂玳瑁筵秦山呈臘雪隋柳布  
新年曾忝揚州薦因君達短牋

時改丞相鎮揚  
州嘗屬表薦

送令狐相公自僕射出鎮南梁

夏木正陰成戎裝出帝京沾襟辭關淚回首別鄉  
情雲樹褒中路風塵漢上城前旌轉谷去後騎踏  
橋聲又領駕行重無嫌虎綬輕終提一麾去再入

副蒼生

奉送裴司徒令公自東都留守再命太原

封本

晉國公兩任  
相去十六年

星使出關東兵符賜上公山河歸舊國籥管換離  
宮行色旌旗動軍聲鼓角雄爰棠餘故吏騎竹見  
新童漢壘三秋靜胡沙萬里空其如天下望旦夕  
詠清風

送如智法師遊辰州兼寄許評事

近郭看殊境獨遊常鮮權逢君駐緇錫觀白稱林  
巒湖滿景方霽野香春未闌爰泉移席近聞石輟



棊看風止松猶韻花繁露未乾晚橋形出樹巖影  
落池寒別路千嶂外詩情暮雲端他年買山處似  
此則隳官

許給事見示哭工部劉尚書詩因命同作

漢室賢王後

從叔望  
出河澗

孔門高弟人濟時成國器樂

道任天真特達圭無玷堅貞竹有筠總戎寬得衆  
市義貴能貧護塞無南牧馳心拱北辰乞身來闕  
下賜告卧漳濱榮耀初題劔清羸已拖紳宮星徒  
列位隙日不回輪自昔追飛侶今為侍從臣素絃

哀已絕青簡歎猶新未遂揮金樂空悲輟瑟晨凄  
涼竹林下無復見清塵

奉和中書崔舍人八居十五日夜翫月二十

韻

暮景中秋爽陰靈既望圓浮精離碧海分照接虞  
淵迥見孤輪出高從倚蓋旋二儀含皎澈萬象共  
澄鮮整御當西陸舒光麗上玄從星變風雨順日  
助陶甄遠近同時望晶熒此夜偏運行調玉燭潔  
白應金天曲榭疑瑤鏡通衢若象筵逢人盡冰雪



遇竟即神仙引素吞銀漢凝清洗綠烟臯禽驚露  
下鄰杵思風前水是還珠浦山成種玉田劍沉三  
尺影燈罷九枝燃象外形無跡寰中影有遷稍當  
雲關正未映斗城懸靜對揮宸翰閒臨襞彩牋境  
同牛浦上宿在鳳池邊興掩尋安道詞勝命仲宣  
從今紙貴後不復詠陳篇

奉和淮南李相公暮秋即事寄成都武相公  
八柱共承天東西別隱然遠夷爭慕化真相故臨  
邊並進夔龍位仍齊龜鶴年同心舟已濟造膝壁

常聯對領專征寄遙持造物權斗牛添氣色并落  
盡氛烟獻可通三畧分甘出萬錢漢南趨節制趙  
非賜山川玉帳觀渝舞虹旌獵楚田步嫌雙綬重  
夢入九城偏秋雨離情動新詩樂府傳聆音還竊  
抃不覺撫么弦

元和癸巳歲仲秋詔發江陵偏師問罪蠻徼  
後命宣慰釋兵歸降凱旋之辰率爾成詠  
寄荆南嚴司空

蠻水阻朝宗兵符下渚宮前籌得上策無戰已成



功漢使星飛入夷心草偃同歌謠開竹棧拜舞戢  
桑弓就日知冰釋投人念鳥窮網羅三面解章奏  
九問通卉服聯操袂雕題畫鞬躬降幡秋練白驛  
騎畫塵紅火號休傳警機橋罷亘空登山不見虜  
振旆自生風江遠烟波靜軍回氣色雄佇看聞喜  
後金石賜元戎

武陵書懷五十韻

西漢開支郡南朝號威藩四封當列宿百雉俯清  
沅高岸朝霞合驚湍急箭奔積陰春暗度將霽霧

先昏俗尚東皇祀謠傳義帝寃桃花迷隱跡練葉  
慰忠魂戶筭資漁獵鄉豪恃子孫照山禽火動踏  
月俚歌喧擁檝舟為市連薨竹覆軒披衣金粟見  
拾羽翠翹翻苦折蒼溪秀蘋生枉渚妍禽鳴格磔  
起魚戲噉喁繁按本草經曰鵲鷓鷀沈約臺榭故  
李衡墟落存隱侯臺木如鉤榘格磔者是也泐靈悲鼓瑟泉客泣酌恩  
露變薰葭浦星懸橘柚村虎咆空野震鼉作滿川  
渾隣里皆遷客兒童習左言炎天無冽井霜月見  
芳蓀清白家傳遺詩書志所敦列科叨甲乙從宦



出丘樊結友心多契馳轂氣尚吞士安曾重賦元  
 禮許登門草檄嫖姚幕巡兵戊巳屯築臺先自隗  
 送客獨留髡遂結王畿綬來觀衢室罇鳶飛入鷹  
 隼魚目儼璵璠曉燭羅馳道朝陽闕帝閣皇正會  
 夷夏月朔盛旗幡獨立當瑤闌傳訝步紫垣按章  
 清犴獄視祭潔蘋蘩御曆昌期遠傳家寶祚蕃  
 文光夏啟神教畏軒轅內禪因天性雄圖授化元  
 繼明懸日月出震統乾坤大孝三朝備洪恩九族  
 惇百川宗渤澥五岳輔崑崙何幸逢休運微班識

至尊校緡資筦權復土奉三園

時以本官判度支  
 鹽鐵寺兼崇陵使

判官一失貴人意徒聞大學論直廬辭錦帳遠守愧

朱幡關

早秋集賢院即事

時為學士

金數已三伏火星正西流樹含秋露曉閣倚碧天  
 秋灰瑄應新律銅壺添夜籌商飈從朔塞爽氣入  
 神州蕙草香書殿槐花點御溝山明真色見水靜  
 濁煙收早歲忝華省再來成白頭幸依郡王府末  
 路尚瀛洲



奉和吏部楊尚書太常李卿二相公策免後  
即事述懷贈荅十韻

文雅關西族衣冠趙北都有聲  
真漢相無類勝隋珠當軸龍為友  
臨池鳳不孤九天開內殿百拜看  
晨趨誠滿澄欵器成功別大鑪  
餘芳在公論積慶是神扶步武離  
台席徊翔集帝梧銓材秉秦鏡典  
樂去齊竿瀟灑風塵外逢迎詩酒  
徒唯應待華誥更入萬錢厨

晚歲登武陵城顧望水陸悵然有作

星象承烏翼蠻貊想犬牙俚人祠  
竹節仙洞閉桃花城塞歷漢魏江  
原自賔巴華表廖立地菜地黃瓊  
家霜輕菊秀晚石淺水紋斜樵音  
繞故壘汲路明寒沙清風稍改葉  
蘆橘如含葩野橋過驛騎叢祠發  
迤笳跳鱗避舉網倦鳥寄行楂路  
塵高出樹山火遠連霞夕曛轉赤  
岸浮靄起蒼葭軋軋渡水槩連連  
赴林鴉叫閣道未遠賜環期日賒  
孤臣本危涕喬木在天涯

罷郡歸洛陽寄友人



寶集 卷之六  
遠謫年猶少初歸髮已衰門閒故吏去室靜老僧  
期不見蜘蛛集頗為僕句欺貧微囊易出寒甚谷  
難吹濩落唯心在平生有已知商歌夜深後聽者  
竟為誰

經伏波神祠

蒙蒙篁竹下有路上壺頭漢壘磨颯鬪蠻溪霧雨  
愁懷人敬遺像閱世指東流自負霸王畧安知恩  
澤侯鄉園辭石柱筋力盡炎洲一以功名累翻思  
馬少游

七言律詩

送春詞

昨來樓上迎春處今日登樓又送歸蘭蕙殘粧含  
露泣柳條長袂向風揮佳人對鏡容顏改楚客臨  
江心事遠萬里至今同此恨無如一醉盡忘機

送李尚書鎮滑州

自浙西觀察徵拜兵部侍郎月餘有此拜

南徐報政入文昌東郡須才別建章視草名高同  
蜀客擁旄年少勝周郎黃河一曲當城下緹騎千  
重照路傍自古相門還出相如今人望在巖廊



送渾大夫赴豐州

鳳銜新詔降恩華，又見旌旗出漢家。  
故吏來辭辛屬國，精兵願逐李輕車。  
檀裘君長迎風馭，錦帶酋豪踏雪衙。  
其柰明年好春日，無人喚看牡丹花。

送源中丞充新羅冊立使

侍中之孫

相門才子稱華簪，持節東行捧德音。  
身帶霜威辭鳳關，口傳天語到雞林。  
煙開鰲背千尋碧，日浴鯨波萬頃金。  
想見扶桑受恩處，一時西拜盡傾心。

送王司馬之陝州

自太常丞授工為詩

暫輟清齋出太常，空携詩卷過甘棠。  
府公既有朝中日，司馬應容酒後狂。  
案牘來時唯署字，風煙入興便成章。  
兩京大道多遊客，每遇詞人戰一場。

洛中送處厚入關使遊蜀謁韋令公

洛陽秋日正淒淒，君去西秦更向西。  
舊學三冬今轉富，魯傷六翮養初齊。  
王城曉日窺丹鳳，蜀路晴天見碧雞。  
早識卧龍應有分，不妨從此躡丹梯。

送周使君罷渝州歸郢州別墅

君恩郢上吟歸去，故自渝南擲郡章。  
野戍岸邊留



寶集 卷五 六九  
畫舸綠蘿陰下到山莊池荷雨後衣香起庭草春  
深綬帶長只怨鳴騶催上道不容待得晚菘嘗

送浙江李僕射相公赴鎮

建節東行是舊游歡聲喜氣滿吳州郡人重得黃  
丞相童子爭迎郭細侯詔下初辭溫室樹夢中先  
到景陽樓自憐不識平津閣遙望旌旗汝水頭

重送浙西李相公頃蕪問江南已經七載後

歷清臺劍南兩鎮遂入相今復領舊地新

加旌旄

江非萬人看玉節江南千騎引金饒鳳從池上遊  
滄海鶴到遼東識舊巢城下清波含百谷窓中遠  
岫列三茅碧雞白馬回翔久却憶朱方是樂郊

送前進士蔡京赴學究科

耳聞戰鼓帶經鋤振發聲名自里閭已是世間能  
賦客更攻窓下絕編書朱門達者誰能識絳帳書  
生盡不如幸遇天官舊丞相知君無翼上空虛

送唐舍人出鎮閩中

暫辭鴛鴦出蓬瀛忽擁貔貅鎮粵城閩嶺夏雲迎



皂蓋建溪秋樹映紅旌山川遠地由來好富貴當年別有情了却人間婚嫁事復歸朝闕作公卿

送李中丞之楚州

緹騎朱旗入楚城士林皆賀振家聲兒童但喜迎賓守故吏猶應記姓名萬頃水田連郭秀四時烟月映淮清憶君初得崑山玉同向揚州携手行

奉送李戶部侍郎自河南尹再除本官歸闕

昔年內署振雄詞今日東都結去思宮女猶傳洞簫賦國人先詠袞衣詩華星却復文昌位別鶴重

歸太乙池想到金閨待通籍一時驚喜見風儀

送蘄州李郎中赴任

楚門蘄水路非賒東望雲山日夕佳薤葉照人呈夏簟松花滿盞試新茶樓中飲興因明月江上詩情為晚霞冰地交親長引領早將玄鬢到京華

送國子令狐博士赴興元覲省

相門學子高陽族才省清資五品官諫院過時榮棣萼謝庭歸去踏蘭山頭花帶烟霞晚棧底江涵雪水寒伯仲到家人盡賀柳宮蓮府遞相歡



送李二十九兄員外赴邠寧使幕

家襲韋平生業文素風清白至今聞南宮通籍新  
郎吏西族從戎舊主人城外草黃秋有雪烽頭烟  
靜虜無塵鼎門為別霜天曉贖把離觴三五巡

送分司陳郎中祗召直史館重脩三聖實錄

蟬鳴官樹引行車言自成周赴玉除遠取南朝貴  
公子重脩東觀帝皇書常時載筆窺金匱暇日登  
樓到石渠若問舊人劉子政如今白首在南徐

贈別素上人

昨日東隣看講時都人象馬蹋琉璃雪山童子  
前世金粟如來是本師一錫官歸九城路三衣曾  
拂萬年枝休公久別如相問楚客逢秋心更悲

秋日過逢舉法師寺院便送歸江陵

黔江秋水浸雲霓獨泛慈航路不迷猿狖窺齋林  
葉動蛟龍聞呪浪花低如蓮半偈心常悟問菊新  
詩手自携常記摩圍似靈鷲却將山屐上丹梯

送景玄師東歸

東林寺裏一沙彌心愛當時才子詩山下偶隨流



水出秋來却赴白雲期灘頭躡屐挑沙菜路上停  
舟讀古碑想到舊房挑錫杖小松應有過簷枝

廣宣上人寄在蜀與韋令公唱和詩卷因以

令公手札答詩示之

碧雲佳句久傳芳曾向城都住草堂振錫常通長  
者宅披衣猶帶令公香一時風景添詩思八部人  
天入道場若許相期同結社吾家本自有柴桑

送僧元嵩東遊

子策名二十年百慮而無一得然後知世  
所謂道無非畏途唯出世間法可盡心耳

繇是在席覲者多旁行四向之書  
者皆赤髭白足之侶深入智地靜通還源  
客塵觀盡妙氣來宅內視胃中猶煎鍊善  
開士元嵩姓陶氏本丹陽居家世有人爵  
不籍其資於毗尼禪那極細密之義於中  
後日習總持之門妙音奮迅頭力招答雅  
聞予事佛而佞巫來相從或問師隳形之  
自對曰小失怙恃堆棘心以求上乘積四  
十年有羸老將至而不懈始悲後泉之有  
冽今痛防墓之未遷塗翦莫備薪火恐滅  
諸相皆離此心長懸雖萬性歸佛盡為釋  
律乃何入海無復水名然具一切智者豈  
惟遺百行求無量義者寧容斷聞思今聞  
南諸侯雅多大士思和以苦調而希其朱  
光無容至前有足悲者予聞是說已力不  
足而悲有余因為詩以送之庶乎踐霜露  
者聽之

有惻



寶書飛譯學初成振錫如飛白足輕彭澤因家凡  
幾世靈山預會是前生傳燈已悟無為理濡露猶  
懷罔極情從此多逢大居士何人不願解珠瓔

贈日本僧智藏

浮杯萬里過滄溟遍禮名山適性靈深夜降龍潭  
水黑新秋放鶴野田青身無彼我那懷土心會真  
如不讀經為問中華學道者幾人雄猛得寧馨

送元簡上人適越

孤雲出岫本無依勝景名山即是歸久向吳門遊

好寺還思越水洗塵機浙江濤驚獅子吼稽嶺峰  
疑靈鷲飛更入天台石橋去垂珠璀璨拂三衣

送宗密上人歸南山草堂寺因謁河南尹白

侍郎

宿習脩來得慧根多聞第一却忘言自從七祖傳  
心印不要三乘入便門東泛滄浪尋古跡西歸紫  
閣出塵喧河南白尹大檀越好把真經相對翻

西塞山懷古

西晉樓船下益州金陵王氣漠然收千尋鐵鎖沉



江底一片降幡出石頭人世幾回傷往事山形依舊枕寒流從今四海為家日故壘蕭蕭蘆荻秋

陽山廟賽神

梁松南征至此遂為其神在朗州

漢家都尉舊征蠻血食如今配此山曲蓋幽深蒼檜下洞簫愁絕翠屏間荆巫脉脉傳神語野老婆娑起醉顏日落風生廟門外幾人連蹋竹歌還

漢壽城春望

古荆州刺史治亭下有子胥廟兼楚王古墳

漢壽城邊野草春荒祠古墓對荆榛田中牧豎燒蕩狗陌上行入看石鱗華表半空經霹靂碑文纒

見滿埃塵不知何日東瀛變此地還成要路津

荆州道懷古

南國山川舊帝畿宋臺梁館尚依稀馬嘶古道行人歇麥秀空城野雉飛風吹落葉填空井火入荒林化寶衣徒使詞臣庾開府咸陽終日苦思歸

朗州竇員外見示與澧州元郎中郡齋贈答

長句二篇因以繼和

鴛鴦差池出建章綵旗朱戶蔚相望新恩共理犬牙地昨日同含鷄舌香白芷江邊分駟路山桃蹊



外接甘棠應憐一罷金閨籍枉渚相逢十度傷

早春對雪奉寄灋州元郎中

新賜魚書墨未乾賢人暫出遠人安朝驅旌旆行  
時令夜見星辰憶舊官梅蕊覆堦鈴閣暖雪峰當  
戶戟枝寒寧知楚客思公子北望長吟灋有蘭

竇朗州見示與灋州元郎中早秋贈作命同

荅

鄰境諸侯同舍郎芷江蘭浦恨無梁秋風門外旌  
旗動曉露庭中橘柚香玉簟微涼宜白晝金笳入

暮應清商騷人昨夜聞啼鳥不歎流年惜衆芳

松磁洞望峽中

渡頭輕雨灑寒梅雲際溶溶雪水來夢渚草長迷  
楚望夷陵土黑有秦灰巴人淚應猿轂落蜀客船  
從鳥道回十二碧峰何處所永安宮外是荒臺

衢州徐員外使君遺以編紵蕪竹書箱因賦

一篇用荅佳賦

按此郡本自婺州折  
置徐州自台州遷

爛柯山下舊仙郎列宿來添婺女光遠放歌聲分  
白紵知傳家學與青箱水朝滄海何時去蘭在幽



林亦自芳聞說天台有遺愛人將琪樹比甘棠

唐秀才贈端州紫石硯以詩答之

端州石硯人間重贈我因知正草玄闕里廟堂空  
舊物開方竈下豈天然玉蟬吐水霞光靜綵翰搖  
風絳錦鮮此日傭工記名姓因君數致墨池前

覽董評事思歸之什因以詩贈

幾年油幕佐征東却泛滄浪狎釣童歌枕醉眠成  
戲蝶抱琴閒望送歸鴻文儒自襲膠西相倚杖能  
齊塞上翁更說扁舟動鄉思青菰已熟發秋風

謝寺雙檜

雙檜蒼然古貌奇今煙吐霧鬱參差晚依禪客當  
金殿初耐將軍映畫旗龍象界中成寶蓋鴛鴦瓦  
上出高枝長明燈是前朝焰曾照青青年少時

寄韓八壽州

風獵紅旗入壽春滿城歌舞向朱輪八公山下清  
淮水千騎塵中白面人桂嶺兩餘多鶴迹茗園晴  
望似龍鱗聖朝方用敢言者次第應須舊諫臣

洛中寺北樓見賀監草書題詩



高樓賀監昔曾登壁上筆跡龍虎騰中國書流尚  
皇象非朝文士重徐陵偶因特見空驚目恨不同  
時便伏膺唯恐塵埃轉磨滅再三珍重囑山僧

聞韓賓擢第歸觀以詩美之兼賀韓十五曹  
長時韓牧永州

零陵香草滿郊垆丹穴雛飛入翠屏孝若歸來成  
畫讚孟陽別後有山銘蘭陔舊地多纒結桂樹新  
枝色更青為報儒林文士道如今從此鬢星星  
宣上人遠寄和禮部王侍郎放榜後詩因以

繼和

禮闈新榜動長安九陌人人走馬看一日聲名遍  
天下滿城桃李屬春官自吟白雪詮詞賦指示青  
雲借羽翰借問至公誰印可支郎大眼定中觀

贈東嶽張鍊師

東嶽真人張鍊師高情雅淡世間稀堪為烈女書  
青簡久事元君住翠微金縷機中拋錦字玉清殿  
上着霓衣雲衢不要吹簫伴只擬乘鸞獨自飛  
祕書崔少監見示墜馬長句因而和之



麟臺少諫舊仙郎洛水橋邊墜馬傷塵汚腰間青  
襪綬風飄掌上紫遊韉上車著作應來問折臂三  
公定送方猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里  
中舊楊僕却為關外人各繫一官難命駕每還前  
好易沾巾玉城山裏多靈藥擺落功名且養神

秋日題竇員外崇德里新居竇氏判度支業

長安街西風景閒到君居處便開顏清光門外一

渠水秋景墻頭數點山踈種碧松過月朗多栽紅  
葉待春還莫言堆案無餘地認得詩人在此間

蒙恩轉儀曹郎依前充入賢學士舉韓湖州

自代因寄七言

翔鸞關下謝恩初通籍由來在石渠暫入南宮判  
祥瑞還歸內殿閱圖書故人猶在三江外同病凡  
經二紀餘今日薦君嗟久滯不惟文體似相如

途次華州陪錢大夫登北樓春望因覩李崔  
令狐三相國唱和之什翰林舊侶繼踵華



城山外清鸞鳳翔集皆忝宿春遂題此詩  
城樓西望出風塵見盡關西渭北春百二山河雄  
上國一雙旌旆委名臣壁中今日題詩處天上同  
時草詔人莫恠老郎呈濫吹官途離別舊情親

始聞秋風

昔看黃菊與君別今聽玄蟬我却回五夜颼颼枕  
前覺一年顏狀鏡中來馬思邊草拳毛動鷗眇青  
雲睡眼開天地肅清堪四望為君扶病上高臺  
洛中初冬拜表有懷上京故人

鳳樓南面控三條拜表郎官早渡橋清洛曉光鋪  
碧簾上陽霜葉剪紅綃省門簪組初成列雲路鴛  
鸞想退朝寄謝慙慙九天侶槍榆水擊各逍遙

尉遲郎中見示自用遷牽復却成洛城東舊  
居之作因以和之

曾遭飛語十年謫新受恩光萬里還朝服不妨遊  
洛浦郊園依舊著嵩山竹含天籟清商樂水遠庭  
臺碧玉環留作功成退身地如今只是暫時閒

洛中謝福建陳判官見贈



潦倒聲名擁腫材一生多故若追回南宮舊籍遙  
相管東洛關門晝未開靜對道流論藥石偶逢詞  
客與瓊瑰恠君近日文鋒利新向延平看劍來  
和蘇十郎中謝病閒居時嚴常侍蕭給事同  
遊訪歎初有二毛之作  
清羸隱几望雲空左掖鴛鴦到室中一卷素書消  
永日數莖斑髮對秋風菱花照後容雖改蒼草占  
來命已通莫恠人人驚早白緣君尚是黑頭翁  
酬淮南廖叅謀秋夕見過之作

揚州從事夜相尋無限新詩月下吟初服已驚玄  
髮長高情猶向白雲深語餘時舉一杯酒坐久方  
聞四處砧不逐繁華訪閒散知君擺落俗人心

題王郎中宣義里新居

愛君新買街西宅客到如遊鄩杜間雨後退朝貪  
種樹申時出省趨看山門前巷陌三條近墻內池  
亭萬境閒見擬移居作隣里不論時日請開關  
酬朗州崔員外與任十四兄侍御同過鄙人  
舊居見懷之什時守吳郡



昔日居隣招屈亭  
楓林橘樹鷓鴣聲  
一辭御苑青門去  
十見蠻江白芷生  
自此曾沾宣室召  
如今又守闔閭城  
何人萬里能相憶  
同舍仙郎與外兄

劉駙馬水亭避暑

千竿竹翠數蓮紅  
水閣虛涼玉簟空  
琥珀瓊紅疑寫酒  
水晶簾密更通風  
賜冰滿盃沈朱實  
法饌盈盤覆碧籠  
盡日逍遙避煩暑  
再三珍重主人翁

述舊賀遷寄陝虢孫常侍

南宮華襲芝蘭俊  
左輔曾交紫綬來  
多病未離清

樂苑新恩已歷望  
仙臺關頭古墓桃  
林靜城下長河竹  
箭回聞說隨車有  
零雨此時偏動子  
荆才

江陵嚴司空見示與成都武相公唱和因命

同作

南荆西蜀大行臺  
幕府旌門相對開  
名重三司平水土  
威雄八陣後風雷  
彩雲朝望青城起  
錦浪秋經白帝來  
不是郢中清唱發  
誰當丞相撥天才

偃松詩

侍中後閣前有小松不特立而偃丞相晉公為賦詩美其猶龍蛇然植于高檐喬木



間工嵌旁軋盤感傾亞自不得天和者公  
以逐物性為意乃加怜為命蕃土以仕其  
趾使無敵索綯以牽其餘使不仆與漱之  
飲以潤之顧盼之輝以照之發於人心感  
召和氣無復天閉坐能敷舒曷之跼感化  
為奇古故雖衰丈而有偃號焉子嘗詣閣  
白事公為道所以且示以詩  
竊感嘉禾之逢時斐然成詠

勢軋枝偏根已危高情一見與扶持忽從顛顛有  
生意卻為離披無俗姿影入巖廊行樂處韻含天  
籟宿齋時謝公莫道東山去取待成陰滿鳳池

贈致仕滕庶子先輩

時及第人  
中最長

朝服歸來畫錦榮登科記上更無名壽觴每使曾

孫獻勝境長携袞妓行鑿鑿據鞍時騁健殷勤把  
酒尚多情凌寒却向山陰去衣繡郎君雪裏行

哭呂衡州時予方謫居

一夜霜風凋玉芝蒼生望絕士林悲空懷濟世安  
人畧不見男婚女嫁時遺草一函歸太史孤墳三  
尺近要離朔方徙歲行當滿款為君看第二碑

夔州竇員外使君見示悼妓詩顧余嘗識之

命同作

前年曾見兩鬟時今日驚吟悼妓詩鳳管學成知



有籍龍媒欲換豈無期空廊月照常行地後院花  
開舊折枝寂寞魚山青草裏何人更立智瓊祠

寶夔州見寄寒食日憶故姬小紅吹笙因和  
之

鸞聲窈眇管參差清韻初調衆樂隨幽院妝成花  
下弄高樓月好夜時吹忽驚暮雨飄零盡唯有朝  
雲夢想期聞道今年寒食日東山舊路獨行遲

哭龐京兆

少年有俊氣常  
擢制科之首

俊骨英才氣衰然策名飛步冠群賢逢時已自致

高位得疾還因倚少年天上別歸京兆府人間空  
數茂陵阡今朝總帳哭君處前日見鋪歌舞筵

五言絕句

荊州歌二首

渚宮楊柳暗麥城朝雉飛可憐踏青伴乘暖着輕  
衣

今日好南風商旅相催發沙頭檣竿上始見春江  
潤

紀南歌



風烟紀南城塵土荆門路天寒獵獸者走上樊姬墓

視刀環歌

常恨言語淺不如人意深今朝兩相視脉脉百種心

三閣辭四首

貴人三閣上日晏未梳頭不應有恨事嬌甚却生

愁

珠箔曲瓊鈎仔細見揚州北兵那得度浪話判悠

悠

沉香帖閣柱金縷畫閣捐回首降幡下已見黍離

離

三人出管井一身登檻車朱門漫臨水不可見鱸

魚

淮陰行四首

古有長干行言三江之事悉矣余嘗阻風淮陰作淮陰行以俾樂府

簇簇淮陰市竹樓緣岸上好日起檣竿鳥飛經五

兩



今日轉船頭金烏指西水煙波與春草千里同一  
色  
船頭大銅環摩挲光陳陳早晚便風來沙頭一眼  
認  
何物令儂羨羨郎船尾燕銜泥趨檣竿宿食長相  
見

紇那曲詞二首

楊柳鬱青青竹枝無限情周郎一回顧聽唱紇那  
轂

隔浦望行舡頭昂尾憶憶無柰晚來時清淮春波  
軟

秋風引

何處秋風至蕭蕭送鴈群朝來入庭樹孤客最先  
聞

柳花詞三首

開從綠條上散逐香風遠故取花落暗悠揚占春  
晚

輕飛不假風輕落不委地繚亂舞晴空發人無眼



思

晴天閨閣雪來送青春暮無意似多情千家萬家  
去

路傍曲

南山宿雨晴春入鳳凰城處處聞絃管無非送酒  
巖

君山懷古

屬居八十一此地阻長風千載威靈盡頽山寒水  
中

庭竹

露滌鉛粉節風搖青玉枝依依似君子無地不相  
宜

唐郎中宅與公同飲酒看牡丹

今日花前飲甘心醉數杯但愁花有語不為老人  
開

題壽安甘棠館二首

公館似仙家池清竹徑斜山禽忽驚起衝落半巖  
花



門前洛陽道門裏桃源路塵一與煙霞其間十餘步

古詞二首

一作諷古

軒后初冠冕前旒為蔽明安知從復道然後見人情

簿領乃土俗清談信古風吾觀蘇令綽朱墨一何工

寓興二首

常談即至理安事非常情寄語何平叔無為輕老

生

世途多禮數鵬鷲各逍遙何事陶彭澤拋官為折腰

詠史二首

驃騎非無勢少卿終不去世道劇頽波我心如砥柱

賈生明王道衛綰工車戲同遇漢文時何人居貴位

經檀道濟故壘



萬里長城壞荒營野草秋秣陵多士女猶唱白符

鳩史云當時人歌曰可憐白符鳩枉殺檀江州

傷段右丞江湖舊遊南宮交代

江海多豪氣朝廷有直聲何言馬蹄下一只是佳城

傷獨孤舍人

貞元中余以御史監祠事河南獨孤生始仕為奉禮郎有事宗廟郊時必與之俱繇是甚熟及余謫武陵九年問獨孤生再至中書舍人視草禁中上方許以宰相元和十年春余祇召抵京師次都亭日舍人疾不起余聞因作傷詞以為吊

昔別經年少今悲喪國華遠來同社燕不見早梅花

再傷龐尹

京兆歸何處章臺空暮塵可憐鸞鏡下哭殺畫眉人

七言絕句

魏宮詞二首

日晚長秋簾外報空林歌舞在明朝添爐火欲熏衣麝憶得分明不忍曉



寶集  
卷五  
八  
日映西陵松相枝下臺相顧一相悲朝來樂府長  
歌曲唱着君王自作詞

楊枝詞二首

迎得春光先到來淺黃輕綠映樓臺只緣孌娜多情思更被春風長倩倩

巫峽巫山楊柳多朝雲暮雨遠相和因想陽臺無限事為君回唱柳枝歌

竹枝詞二首

楊柳青青江水平聞郎江上唱歌聲東邊日出西

邊雨道是無晴却有晴

楚水巴山江水多巴人能唱本鄉歌今朝非客思  
歸去回入紇那披綠羅

隄上行三首

酒旗相望大隄頭隄下連牆隄上樓日暮行人爭  
渡急漿聲幽軋滿東流

江南江北望烟波入夜行人相應歌桃葉傳情目  
棧怨水流無限月明多

春隄繚繞水徘徊酒舍旗亭次第開日晚上樓招



寶集 卷五  
估客裁舸大艚落颿來

踏歌詞四首

春江月出大隄平隄上女郎連袂行唱盡新詞歡  
不見紅霞映樹鷓鴣鳴

桃蹊柳陌好經過燈下妝成月下歌為是襄王故  
宮地至今猶自細腰多

新詞宛轉遞相傳振袖傾鬟風露前月落烏啼雲  
雨散遊童陌上拾花鈿

日暮江南聞竹枝南人行樂北人悲自從雲裏唱

新曲直到三春花盡時

步虛詞二首

阿母種桃雲海際花落子成三千歲滄海吹折最  
繁枝跪捧金盤獻天帝

華表千年一鶴歸凝丹為頂雲為衣星星仙語人  
聽盡却向五雲翻翅飛

阿嬌怨

望見葳蕤舉翠華試開金屋掃庭花須臾宮黃傳  
來信言幸平陽公主家



秋詞二首

自古逢秋悲寂寥我今秋日勝春朝晴空一鶴排雲上便引詩情到碧霄

山明水淨夜來霜數樹深紅出淺黃試上高樓清入骨豈知秋色使人狂

秋扇詞

莫道恩情無重來人間榮謝遞相催當時初人君懷袖豈念寒爐有死灰

竹枝詞九首

四方之歌異音而同樂歲正月余建平里中兒聯歌竹枝吹短笛擊鼓以赴節歌者揚袂睢舞以曲多為賢聆其音中黃鍾之羽卒章激訐如吳聲雖倉卒不可分而含思宛轉有淇澳之豔昔屈原居沅湘間其民迎神詞多鄙陋乃為作九歌到于今荆楚歌舞之故余亦作竹枝九篇俾善歌者颺之附于末後之聽已歛知變風之自焉

白帝城頭春草生白鹽山下蜀江清南人上來歌

一曲北人陌上動鄉情

山桃紅花滿上頭蜀江春水拍山流花紅易衰似郎意水流無限似儂愁

江上朱樓新雨晴瀼西春水縠紋生橋東橋西好



揚柳人來人去唱歌行

日出三竿春霧消江頭蜀客駐蘭橈憑寄狂夫書  
一紙住在成都萬里橋

兩岸山花似雪開家家春酒滿銀杯昭君坊中多  
女伴永安宮外踏青來

城西門前灩澦堆年年波浪不能推懊恨人心不  
如古少時東去復西來

瞿塘嘈嘈十二灘人言道路古來難長恨人心不  
如水等閒平地起波瀾

巫峽蒼蒼烟雨時清猿啼在最高枝箇裏愁人腸  
自斷由來不是此般悲

山上層層桃李花雲間煙火是人家銀釧金釵來  
負水長刀短笠去燒畬

楊枝詞九首

塞北梅花羗笛吹淮南桂樹小山詞請君莫奏前  
朝曲聽唱新翻楊柳枝

南陌東城春早時相逢何處不依依桃紅李白皆  
誇好須得垂楊相發輝



鳳闕輕遮翡翠幃龍池遙望趨塵絲御溝春水相  
輝映狂殺長安年少兒

金谷園中鶯亂飛銅駝陌上好風吹城中桃李須  
更盡爭似垂楊無限時

花萼樓前初動時美人樓上鬪腰肢如今拋擲長  
街裏露葉如啼歎恨誰

煬帝行宮汴水濱數枝楊柳不勝春晚來風起花  
如雲飛入宮牆不見人

御陌青門拂地垂千條金縷萬條絲如今縮作同  
心結將贈行人知不知

城外春風吹酒旗行人揮袂日西時長安陌上無  
窮樹唯有垂楊管別離

輕盈裊娜占年華舞榭粧樓處處遮春盡絮花留  
不得隨風好去落誰家

瀟湘神二首

湘水流湘水流九疑雲物至今愁君問二妃何處  
所零陵香草露中秋

斑竹枝斑竹枝淚痕點點寄相思楚客欲聽瑤瑟



怨瀟湘深夜月明時

浪淘沙詞九首

九曲黃河萬里沙浪淘風簸自天涯如今直上銀  
河去同到牽牛織女家

洛水橋邊春日斜碧流清淺見瓊沙無端陌上狂  
風急驚起鴛鴦出浪沙

汴水東流虎眼文清淮曉色鴨頭春君看渡口淘  
沙處渡却人間多少人

鸚鵡洲頭浪颭沙青樓春望日將斜銜泥燕子爭

歸舍獨自狂夫不憶家

濯錦江邊兩岸花春風吹浪正淘沙女郎剪下鴛  
鴦錦將向中流定晚霞

日照澄洲江霧開淘沙女伴滿江隈美人首飾侯  
王印盡是沙中浪底來

八月濤聲吼地來頭高數丈觸山回須臾却入海  
門去捲起沙堆是雪堆

莫道讒言如浪深莫言遷客似沙沉千淘萬漉雖  
辛苦吹盡狂沙始到今



流水淘沙不暫停前波未滅後波生令人忽憶瀟  
湘渚回唱迎神三两聲

洛中送韓七中丞之吳興口號五首

昔年意氣結群英幾度回行一字朋海北江南零  
落盡兩人相見洛陽城

自從雲散各東西每日歡娛却慘悽離別苦多相  
見少一生心事在詩題

今朝無意訴離杯何況清絃急管催本欲醉中輕  
遠別不知翻引酒杯來

駱駝橋上蘋風急鸚鵡杯中箬下春水碧山青知  
好處開顏一笑向何人

溪中仕女出笆籬溪上鴛鴦避盡旗何處人間似  
仙境春山携妓採蓮時

送廖東遊二首

九陌逢君又別離行雲別鶴本無期望高樓上忽  
相見看過花開花落時

繁花落盡君辭去綠草垂楊引征路東道諸侯皆  
故人留連必是多情處



洛中春末送杜錄事赴蘄州

樽前花下長相見  
明月忽為千里人  
君過午橋回首望  
洛城猶自有殘春

夜燕福建盧侍郎宅因送之鎮

暫駐旌旗洛水隄  
綺蕙紅燭醉蘭閨  
美人美酒長相逐  
莫怕猿轂發建溪

重送鴻舉師赴江陵謁馬逢侍御

西北秋風凋蕙蘭  
洞庭波上碧雲寒  
茂陵才子江陵去  
乞取新詩合掌看

贈長沙讚頭陀

外道邪山千萬重  
真言一發盡摧峯  
有時明月無人夜  
獨向昭潭制惡龍

送霄韻上人遊天台

曲江僧向松江見  
又道天台看石橋  
鶴戀故巢雲戀岫  
比君猶自不逍遙

臺城懷古

清江悠悠王氣沉  
六朝遺事何處尋  
宮牆隱嶺野澤闊  
鷓鴣夜鳴秋色深



戲贈崔千牛

學道深山許老人，留名萬代不關身。  
勸君多買長安酒，南陌東城占取春。

揚州春夜李端公益張侍御登段侍御平路

密縣李少府賜祕書張正字復元同會於

水館對酒聯句追刻燭擊銅鉢故事遲輒

舉觥以飲之逮夜艾群公沾醉紛然就枕

余偶獨醒因題詩於段君枕上以志其事

寂寂獨看金燼落，紛紛只見玉山頽。  
自羞不是高

陽侶一夜星星騎馬回

逢王十二學士入翰林，因以詩贈。時貞元十二年以藍

田尉充學士

廐馬翩翩禁外逢，星槎上漢杳難從。  
定知欵報淮

南詔促，召王褒入九重。

闕下口號呈柳儀曹

綵仗神旗獵曉風，雞人一唱鼓蓬蓬。  
銅壺漏水何

時歌如此相催，即老翁。

監祠夕月壇書事 其祀用畫



西皞司分晝夜平羲和停午太陰生鍾鐸揖讓秋  
光裏觀者如雲出鳳城

元和甲午歲詔書盡徵江湘逐客余自武陵  
赴京宿於都亭有懷續其來諸子

雷雨江山起卧龍武陵樵客躡仙蹤十年楚水楓  
林下今夜初聞長樂鍾

元和十一年自朗州承召至京戲贈看花諸  
君子

紫陌紅塵拂面來無人不道看花回玄都觀裏桃

千樹盡是劉君去後栽

再遊玄都觀 并引

余貞元二十一年為屯田員外郎時此觀  
未有花是歲山牧連州尋貶朗州司馬居  
十年召至京師人人皆言有道士手植仙  
苑滿觀如紅霞遂有前篇以志一時之事  
旋又出牧今十有四年復為主客郎中重  
遊玄都觀蕩然無復一樹唯兔葵燕麥動  
搖於春風耳因再題二十八字以  
俟後遊時大和二年三月某日

百畝庭中半是苔桃花淨盡菜花開種桃道士歸  
何處前度劉郎今又來

與歌者朱嘉榮



唱得連州意外聲  
舊人唯數未嘉榮  
近來時世輕  
先輩好染髭鬚事  
後生

望夫石

正對和州郡樓

終日望夫夫不歸  
化為孤石苦相思  
望來已是幾  
千載似是當時初望時

聽舊宮中樂人穆氏唱歌

曾隨織女渡天河  
記得雲間第一歌  
休唱貞元供  
奉曲當時朝士已無多

石頭城

山圍故國周遭在  
潮打空城寂寞回  
淮水東邊舊  
時月夜深還過女墻來

烏衣巷

朱雀橋邊野草花  
烏衣巷口夕陽斜  
舊時王謝堂  
前燕飛入尋常百姓家

臺城

臺城六代競豪華  
結綺臨春事最奢  
萬戶千門成  
野草只緣一曲後庭花

生公講堂



生公說法鬼神聽身後空堂夜不扃高坐寂寥塵  
漠漠一方明月可中庭

江令宅

南朝詞臣北朝客歸來唯見秦淮碧池臺竹樹三  
畝餘至今人道江家宅

韓信廟

將畧兵機命世雄蒼黃鍾室歎良弓遂令後代登  
壇者每一尋思怕立功

秋夜安國觀聞笙

織女分明銀漢秋桂枝梧葉共颼颼月露滿庭人  
寂寂霓裳一曲在高樓

顧洛城古牆

粉落椒飛知幾春風吹雨洒旋成塵莫言一片色  
基在猶過無窮來往人

李賈二大諫拜命後寄揚八壽州

諫省新發二直臣萬方驚喜捧綸遙知天子明  
如日肯放淮南高卧人

美温尚書鎮定興元以詩寄賀



寶集 卷五 百一  
旌旗入境犬無聲  
戮盡鯨鯢漢水清  
從此世人開耳目  
始知名將出書生

酬瑞州吳大人夜泊湘川見寄一絕

夜泊湘川逐客心  
月明猿叫血沾襟  
湘妃舊竹痕猶淺  
從此因君染更深

徵還京師見舊番官馮叔達

前者匆匆僕馬行  
十年鷓鴣到京城  
南宮舊吏來相問  
何處淹留白髮生

與歌者何戡

二十餘年別帝京  
重聞天樂不勝情  
舊人唯有何戡在  
更與殷勤唱渭城

與歌童田順郎

天下能歌御史娘  
花前葉底奉君王  
九重深處無人見  
分付新聲與順郎

燕爾館破屏風所盡  
至精人多歎賞題之

畫時應遇空亡日  
賣處難逢識別人  
唯有多情往來客  
強將衫袖拂埃塵

賞牡丹



庭前芍藥妖無格池上芙蓉淨少情唯有牡丹真  
國色花開時節動京城

題歌器圖

秦國功成思稅駕晉臣名遂歎危機無因上蔡牽  
黃犬願作丹徒一布衣

傷桃源薛道士

壇邊松在鶴巢空白鹿閒行舊徑中手值紅桃千  
樹發滿山無主任春風

王思道碑堂下作

蒼蒼宰樹起寒烟尚有威名海內傳四府舊聞多  
故吏幾人垂淚拜碑前

傷愚溪三首

故人柳子厚之謫永州得勝地結茅樹  
蔬為沼沚為臺榭目曰愚溪柳子沒三  
年有僧遊零陵告余曰愚溪無復曩時  
矣一聞僧言悲不能自勝遂以所聞為  
七言以  
寄眼

溪水悠悠春自來草堂無主燕飛回隔簾惟見中  
庭草一樹山榴依舊開

草聖數行留壞壁木奴千樹薦鄰家唯見里門通



德榜殘陽寂寞出樵車

柳門竹巷依依在野草青苔日月多總有鄰人解

吹笛山陽舊侶更誰過

傷循州渾尚書

貴人淪落路人哀碧海連天丹旆回遙想長安此

時節朱門深巷百花開

代靖安佳人怨二首

靖安佳人丞相武公居里名也元和十一年六月公將朝夜漏未盡三刻騎出里明遇盜薨于墻下於公為郎余為御史繇是有舊故今守遠服賤不可以諫又不得為

歌詩巖于楚悅故代作  
佳人怨以埤于樂府云

寶馬鳴珂踏曉塵魚文七首犯車茵遠來行哭里

門外昨夜華堂歌舞人

秉燭朝天遂不回路人彈指望高臺墻東便是傷

心地夜夜流螢飛去來

碧澗寺見元九侍御和展上人詩有三生之

句因以和

廊下題詩滿壁塵塔前松樹巴皴鱗古來唯有王

文度重見平生竺道人



冰凍詭復屈伏心源隱形自  
車復何見  
溝塹

過觀樓李尊師

城闕望烟霞常悲仙路賒寧知樵子逕得到葛洪  
家犬吠松間月人行洞裏花留詩千歲鶴送客五  
雲車訪世山空在觀棊日未斜不知塵俗士誰解  
種胡麻

雪謗後逢李叔度

相逢空握手往事不堪思見少情難盡愁深語自



